

三國誌八

日奇謀孔明後箭
關澤密獻詐降書
宴長江曹操賊詩
七星壇請葛祭風
諸葛亮智美華容
由心大戰東吳兵

獻密計黃蓋受刑
龐統巧授連環計
領戰船北軍用武
三江口周郎縱火
關雲長義釋黃權
孔明一氣周公瑾

共二十

2119
9



2119

四大奇書第一種卷之八
聖漢外書

茂苑毛崇崗序始氏評

第四十六回

用奇謀孔明借箭
獻密計黃蓋受刑

周瑜欲斷北軍之糧明知其斷不成智也孔明欲造江東之箭
明知其造不成亦智也乃周瑜不斷糧不能使北軍無糧而孔
明不造箭却能使江東有箭則孔明之智為奇矣周瑜欲借曹
操之刀以殺孔明早被孔明識破而孔明借曹操之箭以與周
瑜却使周瑜不知則孔明之智為尤奇矣十日之限已可畏偏
要縮至三日三日之限已甚危偏又放過兩日令讀者閱至第
三日之夜為孔明十分着急十分擔憂幾於水盡山窮徑斷路

藏書

絕而不意奏功俄頃報命一朝真乃妙事妙文

借箭之計其利有三使東吳得十萬箭之用一利也既得十萬箭之用而又省造十萬箭之費是以二十萬箭之利與江東也二利也我有所得則利在我我縱無所得而能使敵有所失則利亦在我今我得十萬箭之用省造十萬箭之費而又令曹軍有十餘萬箭之失是以三十餘萬箭之利與江東也三利也在孔明不過施一小計耳而其利至於如此真不愧軍師之稱哉孔明用計之妙善於用借破北軍者既借江東之兵而助江東者即借北軍之箭是借於東又借於北也取箭者既借魯肅之舟而疑操者復借一江之霧是借於人又借於天也兵可借箭可借於是乎東風亦可借荆州亦無不可借矣

周瑜以蔡瑁張允之假書賺曹操而曹操即以蔡中蔡和之假

降賺周瑜此相報之巧也曹操以二蔡之詐降賺周瑜而周瑜即假二蔡之詐降以賺曹操又相報之巧也乃蔡瑁張允實實未嘗叛曹操而操誤信其事蔡中蔡和明明是來降周瑜而瑜已知其非則操之巧不如瑜操使游說之客於敵國適以殺吾軍得力之人瑜納詐降之將於彼軍遂借以通我將詐降之信則瑜之巧過於操兩智相欺兩詐相敵寫來真足動心悅目孔明掌中之字與周瑜掌中之字不約而同此合掌文字也又參之以黃蓋之言是三人之文皆為合掌矣孔明新野之火與博望之火大同小異此重複文字也又將繼之以赤壁之火是一人之文而三番重複矣然必文如公瑾方許其合掌文如孔明方不厭其重複每怪今人作文動手便合落筆便重彼此只是一船前後更無添換即何不取周瑜孔明之文而讀之耶

黃蓋苦肉之計苟非黃蓋之所自願此豈周瑜之所能使哉周
瑜深欲用此計而恨未得黃蓋之一人唯黃蓋真能舍此身而
後可行苦肉之一計耳作者於此不是寫周瑜之智正是寫黃
蓋之忠亦只是寫黃蓋之忠不是寫黃蓋之智

周瑜反間之謀只好黑夜裏騙蔣幹黃蓋苦肉之計偏要白日
裏瞞眾人蓋不瞞眾人恐瞞不得曹操也曹操之殺蔡瑁是真
周瑜偏識二蔡之降為假黃蓋之忤周瑜是假二蔡已信周瑜
之怒為真蓋欲瞞曹操又必須先瞞二蔡也乃眾人可瞞二蔡
可瞞曹操可瞞而孔明必不可瞞不但公瑾不能瞞孔明而孔
明反囑子敬以瞞公瑾則孔明之智又高公瑾數頭

吾嘗觀黃蓋苦肉之計而嘆其計之行亦有天意焉蓋此計之
可慮者有三使黃蓋受棒太毒而至於死雖捐軀而無補於國

事則長逝者魂魄私恨無第一可慮也使眾將不知有憤激而
生變者則弄假成真未圖彼軍而先致我軍之叛二可慮也又
使曹操懲於蔣幹之被欺拒蓋之降而不納則黃蓋徒然受刑
周瑜枉自粧喬適為曹操所笑三可慮也乃黃蓋不死諸將不
叛曹操不疑而周郎竟以此成功豈非天哉

却說魯肅領了周瑜言語逕來舟中相探孔明孔明接入小舟對坐
肅曰連日措辦軍務有失聽教孔明曰便是亮亦未與都督賀喜肅
肅曰何喜孔明曰公瑾使先生來探亮知也不知便是這件事可賀
喜耳妙在不等他開口竟自說出不諱得魯肅失色問曰先生何由
知之孔明曰這條計只好弄蔣幹曹操雖被一時瞞過必然便省悟
只是不肯認錯耳肅江之事孔明今蔡張二人既死江東無患矣如
何不賀喜吾聞曹操換毛玠于禁為水軍都督則這兩個手裏好友

送了水軍性命為後文赤壁伏線 魯肅聽了開口不得將幹見周瑜開口不得魯肅見孔明亦開口不 把些言語支吾了半晌別孔明而回孔明囑曰望子敬在公瑾面前勿言亮先知此事公瑾要贖孔明孔明 恐公瑾心懷妒忌又要尋事害亮為下文造魯肅應諾而去回見周瑜把上項事只得實說 了寫魯肅 瑜大驚曰此人決不可留吾決意斬之肅勸曰若殺孔明却被曹操笑也寫魯肅 瑜曰吾自有公道斬之教他死而無怨前欲操殺之此直肅曰何以公道斬之瑜曰子敬休問來日便見 次日聚眾將於帳下教請孔明議事孔明欣然而至坐定瑜問孔明曰即日將與曹軍交戰水路交兵當以何兵器為先孔明曰大江之上以弓箭為先此語反是孔明 瑜曰先生之言甚合愚意但今軍中正缺箭用敢煩先生監造十萬枝箭以為應敵之具此係公事先生幸勿推却前使斷糧今使造箭前使斷糧是謂瑜 孔明曰都督見委自

當教勞敢問十萬枝箭何時要用瑜曰十日之內可完辦否限期已 孔明曰操軍即日將至若候十日必悞大事以為緩奇妙 瑜曰先生料幾日可完辦孔明曰只消三日便可拜納十萬枝箭不唯不請寬立限真奇 瑜曰軍中無戲言孔明曰怎敢戲都督願納軍令狀三日不辦甘當重罰受罰不待周瑜說偏 瑜大喜喚軍政司當面取了文書置酒相待曰待軍事畢後自有酬勞說離妙 孔明曰今日已不及來日造起至第三日可差五百小軍到江邊搬箭已算定 飲了數杯辭去魯肅曰此人莫非詐乎是驚 瑜曰他自送死非我逼他今明白對眾要了文書他便兩脇生翅也飛不去誰知乃是萬古 我只分付軍匠人等教他故意遲延凡應用物件都不與齊備如此必然悞了日期那時定罪有何理說惡極讀者至此 公今可去探他虛實却來回報肅領命來見孔明孔明曰吾曾告子敬休對公瑾說他必要

害我不想子敬不肯為我隱諱今日果然又弄出事來三日內如何
造得十萬箭子敬只得救我不知者讀至此肅曰公自取其禍我如
何救得你孔明曰望子敬借我二十隻船每船要軍士三十人船上
皆用青布為幔各束草千餘個分布兩邊吾別有妙用箭料甚奇不
知如何造法
第三日包管有十萬枝箭奇只不可又教公瑾得知若彼知之吾計
敗矣此却是肅允諾却不解其意回報周瑜果然不提借船之事
前不瞞周瑜是老實處今
不忍不瞞周瑜是忠厚處只言孔明並不用箭竹翎毛膠漆等物自
有道理瑜大疑曰且看他三日後如何回覆我却說魯肅私自撥輕
快船二十隻各船三十餘人并布幔束草等物盡皆齊備候孔明調
用第一日却不見孔明動靜放過第一日第二日亦只不動又放過第二日至第
三日四更時分放過兩日至第三日又
四更時分險到沒去處矣孔明密請魯肅到船中肅
問曰公召我來何意孔明曰特請子敬同往取箭正不知箭在肅曰
何處奇甚

何處去取孔明曰子敬休問前去便見與周瑜對
子敬語同遂命將二十隻船
用長索相連徑望北岸進發是夜大霧漫天長江之中霧氣更甚對
面不相見此是預
先算定孔明促舟前進果然是好大霧則人有篇大霧垂
江賦曰

大哉長江西接岷峨南控三吳北帶九河匯百川而入海歷萬古
以揚波至若龍伯海若江妃水母長鯨千丈天蜈九首鬼怪異類
咸集而有蓋夫鬼神之所憑依英雄之所戰守也時而陰陽既亂
味爽不分訝長空之一色忽大霧之四屯雖輿薪而莫覩唯金鼓
之可聞初若溟濛纒隱南山之豹漸而充塞欲迷北海之鯨然後
上接高天下垂厚地渺乎蒼茫浩乎無際鯨鯢出水而騰波蛟龍
潛淵而吐氣又如梅霖收溽春陰釀寒溟溟漠漠浩浩漫漫東失
柴桑之岸南無莫口之山戰船于艘俱沉淪于岩壑漁舟一葉驚

出沒于波瀾甚則穹昊無光朝陽失色返白晝為昏黃變丹山為水碧雖大禹之智不能測其淺深離婁之明焉能辨乎咫尺于是馮夷息浪屏翳收功魚鱉道跡鳥獸潛踪隔斷蓬萊之島暗圍閭闔之宮恍惚奔騰如驟雨之將至紛紜雜沓若寒雲之欲同乃能中隱毒蛇因之而為瘴癘內藏妖魅憑之而為禍害降疾厄于人間起風塵于塞外小民遇之天傷大人觀之感慨蓋將返元氣十洪荒混天地為大塊

當夜五更時候三日之船已近曹操水寨孔明教把船隻頭西尾東一帶擺開就船上擂鼓吶喊取箭之法甚奇魯肅驚曰倘曹兵齊出如之奈何孔明笑曰吾料曹操于重霧中必不敢出言等只顧酌酒取樂待霧散便回亦是賞霧却說曹寨中聽得擂鼓吶喊毛玠于禁二人慌忙飛報曹操傳令曰重霧迷江彼軍忽至必有埋伏切不可輕

動可撥水軍弓弩手亂箭射之又差人往旱寨內喚張遼徐晃各帶弓弩軍三千火速到江邊助射勝東吳工比及號令到來毛玠于禁怕南軍搶入水寨已差弓弩手在寨前放箭先是一起少頃旱寨內弓弩手亦到又是一起約一萬餘人盡皆向江中放箭箭如雨發孔明教把船弔回頭東尾西逼近水寨受箭彼送來一面擂鼓吶喊待至日高霧散孔明令收船急回二十隻船兩邊束草上排滿箭枝膠漆翎毛孔明令各船上軍士齊聲叫曰謝丞相箭曹操謹具奉中箭已完辦孔明令各船上軍士齊聲叫曰謝丞相箭孔明則寫領謝極極極比及曹軍寨內報知曹操時這裏船輕水急已放回二十餘里追之不及曹操懊悔不已却說孔明回船謂魯肅曰每船上箭約五六千矣不費江東半分之力已得十萬餘箭明日即將來射曹軍却不甚便此時推領肅曰先生真神人也何以知今日如此大霧孔明曰為將而不通天文不識地利不知奇門不曉陰陽不看陣圖不

明兵勢是庸才也。下文一句是主亮于三日前已算定今日有大霧因此敢任三日之限。曹操正應在孔明雲霧中公瑾教我十日完辦工匠料物都不應手將這一件風流罪過明白要殺我我命係于天公瑾焉能害我哉。此時方纔說破魯肅拜服船到岸時周瑜已差五百軍在江邊等候搬箭孔明教于船上取之可得十餘萬枝都搬入中軍帳交納魯肅入見周瑜備說孔明取箭之事瑜大驚慨然嘆曰孔明神機妙算吾不如也後人有詩讚曰

一天濃霧滿長江

遠近難分水渺茫

驟雨飛蝗來戰艦

孔明今日伏周郎

少頃孔明入寨見周瑜瑜下帳迎之稱羨曰先生神算使人敬服孔明曰詭譎小計何足為奇。自謙處正瑜邀孔明入帳共飲瑜曰昨吾主遣使來催督進軍瑜未有奇計願先生教我。前問用何兵器是假今問用何奇策是

孔明曰亮乃碌碌庸才安有妙計瑜曰其昨觀曹操水寨極是嚴整有法非等閒可攻思得一計不知可否先生幸為我一決之孔明曰都督且休言各自寫于手內看同也不同瑜大喜教取筆硯來先自暗寫了却送與孔明亦暗寫了兩個移近坐榻各出掌中之字互相觀看皆大笑。八十三萬大軍已原來周瑜掌中字乃一次字孔明掌中亦一火字以箭射船是金蛇木以火燒兵是火蛇金○二相附麗而成功喻曰既我兩人所見相同更無疑矣幸勿漏泄孔明曰兩家公事豈有漏泄之理吾料曹操雖兩番經我這條計。又將博望新然必不為備今都督儘行之可也。操能料之于陸飲罷分散諸將皆不知其事却說曹操平白折了十五六萬箭江東得箭十餘萬曹操失船十萬箭不雅無此等文亦無此等事也。心中氣悶荀攸進計曰江東有周瑜諸葛亮二人用計急切難破可差人去東吳詐降為奸

細內應以通消息方可圖也操曰此言正合吾意汝料軍中誰可行
 此計攸曰蔡瑁被誅蔡氏宗族皆在軍中瑁之族弟蔡中蔡和現為
 副將丞相可以恩結之差往詐降東吳必不見疑二蔡詐降以殺兄
 操從之當夜密喚二人入帳囑付曰汝二人可引些少軍士去東吳
 詐降但有動靜使人密報事成之後重加封賞休懷二心二人曰吾
 等妻子俱在荊州安敢懷二心丞相勿疑曹操之不疑者在此周
 二人必取周瑜諸葛亮之首獻于麾下正與前文取標操厚賞之次
 日二人帶五百軍士蔡瑁作說客只帶一小童二駕船數隻順風望
 着南岸來且說周瑜正理會進兵之事忽報江北有船來到江口稱
 是蔡瑁之弟蔡和蔡中特來投降瑜喚入二人哭拜曰吾兄無罪被
 操賊所殺吾二人欲報仇特來投降殺蔡瑁者周瑜也欲報望賜
 收錄願為前部瑜大喜大喜者非喜其真重賞二人即命與甘寧引

軍為前部二人拜謝以為中計瑜密喚甘寧分付曰此二人不帶家

小非真投降正與二蔡對乃曹操使來為奸細者吾今欲將計就計

教他通報消息伏線汝可慇懃相待就裏提防至出兵之日先要

殺他兩個祭旗後文事先汝切須小心不可有誤甘寧領命而去魯

肅入見周瑜曰蔡中蔡和之降多應是詐不可收用此非寫魯肅乖

老瑜叱曰彼因曹操殺其兄欲報仇而來降何詐之有你若如此多

疑安能容天下之士乎二蔡詐降肅默然而退乃往告孔明孔明笑

而不言周即乖孔肅曰孔明何故哂笑孔明曰吾笑子敬不識公瑾

用計耳大江隔遠細作極難往來操使蔡和蔡中詐降刺探我軍中

事公瑾將計就計正要他通報消息一都破妙兵不厭詐公瑾之謀

是也并謂兵不厭詐肅方纔省悟却說周瑜夜坐帳中忽見黃蓋潛

入中軍來見周瑜來得瑜問曰公覆夜至必有良謀見教蓋曰彼眾

我寡不宜久持何不用火攻之孔明公瑾掌中之字已在黃蓋意中瑜曰誰教公獻此

計前戒孔明勿漏洩今問此一蓋曰某出自已意非他人之所教也

誰非學古却已合掌瑜曰吾正欲如此故留蔡中蔡和詐降之人以通消息但

恨無一人為我行詐降計耳自欲使人詐降故深喜敵人來詐降及

蓋曰某願行此計瑜曰不受些苦彼如何肯信炎上作苦欲用蓋曰

某受孫氏厚恩雖肝腦塗地亦無怨悔瑜拜而謝之曰君若肯行此

苦肉計則江東之萬幸也周瑜苦心黃蓋苦肉蓋曰某死亦無怨遂

謝而出次日周瑜鳴鼓大會諸將於帳下孔明亦在座周瑜曰操引

百萬之眾連絡三百餘里非一日可破今令諸將各領三個月糧草

準備禦敵下文破敵只在一月之言未訖黃蓋進曰莫說三個月便

支三十個月糧草也不濟事若是這一個月破的便破若是這一個月破

不的只可依張子布之言棄甲倒戈北面而降之耳先說要降為詐

前文張昭周瑜勃然變色大怒曰吾奉主公之命督兵破曹敢有再

言降者必斬將前文今兩軍相敵之際汝敢出此言慢我軍心不

斬汝首難以服眾喝左右將黃蓋斬訖報來明知眾將心初黃蓋亦

怒曰吾自隨破虜將軍縱橫東南已歷三世那有汝來前說要降與

以年少輕周郎瑜大怒喝令速斬越越甘寧進前告曰公覆乃東吳

舊臣望寬恕之瑜喝曰汝何敢多言亂吾法度先叱左右將甘寧亂

棒打出前收二蔡是假喜今打黃蓋定眾官皆跪告曰黃蓋罪固當

誅但於軍不利望都督寬恕權且記罪破曹之後斬亦未遲瑜怒未

息越越眾官苦苦告求瑜曰若不看眾官面皮決須斬首今日免死

命左右拖到打一百春杖以正其罪隔夜商量主眾官又告免瑜推

翻案桌叱退眾官喝教行杖越越將黃蓋剝了衣服拖翻在地打了

五十春杖眾官又復苦苦告求免瑜躍起指蓋曰汝敢小覷我耶正對

那有

你來一語真且寄下五十提再有怠慢二罪俱罰恨聲不絕而入帳
乃越越越像 且寄下五十提再有怠慢二罪俱罰恨聲不絕而入帳
此時若雨計已畢若不有此餘 衆官扶起黃蓋打得皮開肉綻鮮
忠恐露出破綻來真越越像 血迸流扶歸本寨昏絕幾次動問之人無不下淚魯肅也往看問了
來至孔明船中謂孔明曰今日公瑾怒責公覆我等皆是他部下不
敢犯顏苦諫先生是客何故袖手旁觀不發一語在魯肅口中補寫
孔明笑曰子敬欺我不以老實待子敬却以正賢待 肅曰肅與先生
渡江以來未嘗一事相欺今何出此言孔明曰子敬豈不知公瑾今
日毒打黃公覆乃其計耶如何要我勸他甘寧知之而不勸勸亦是詐
真肅方悟孔明曰不用苦肉計何能瞞過曹操今必令黃公覆去詐
降却教蔡中蔡和報知其事矣如子敬見公瑾時切勿言亮先知其
計只說亮也埋怨都督便了公瑾瞞不得孔明孔明 肅辭去入帳見周
瑜瑜邀入帳後肅曰今日何故痛責黃公覆瑜曰諸將怨吾肅曰多

有心中不安者瑜曰孔明之意若何肅曰他也埋怨都督感情薄瑜
笑曰今番須瞞過他也誰知反被 肅曰何謂也瑜曰今日痛打黃蓋
乃計也吾欲令他詐降先須用苦肉計瞞過曹操就中用火攻之可
以取勝前言二蔡之降非詐是欺子敬今 肅乃暗思孔明之高見却
不敢明言周郎不瞞子敬那 且說黃蓋臥于帳中諸將皆來動問蓋
不言語但長吁而已忽報來謀關澤來問蓋令請入臥內叱退左右
關澤曰將軍莫非與都督有仇蓋曰非也澤曰然則公之受責莫非
苦肉計乎不用黃蓋說明先 蓋曰何以知之澤曰某觀公瑾舉動已
料着八九分識得十分 蓋曰某受吳侯三世厚恩無以為報故獻此
計以破曹操肉雖受苦亦無所恨吾遍觀軍中無一人可為心腹者
唯公素有忠義之心敢以心腹相告澤曰公之告我無非要我獻詐
降書耳又不用黃蓋說明先 蓋曰實有此意未知肯否關澤欣然領

諾正具

勇將輕身思報主

謀臣爲國有同心

未知關澤所言若何且看下文分解

第四十七回

關澤密獻詐降書

龐統巧授連環計

欺庸人易欺奸雄難黃蓋受杖猶可不死於杖關澤獻書宜其必死於書而卒能不死而成功者以得說奸雄之法也說奸雄之法與說英雄之法皆不當用順而當用逆英雄所自負者義耳張遼之說關公妙在責其輕死之非義奸雄所自負者智耳關澤之說曹操妙在笑其料事之不明所謂用逆而不用順者也若使遼而甘言卑說則公之拒愈峻若使澤而伏地陳乞則

澤之死愈速矣

前卷寫甘寧此卷寫關澤而極寫關澤必先極寫曹操不寫曹操之好不顯關澤之巧若彼不知爲苦肉計而欺之不難惟彼既知爲苦肉計而欺之之爲難也彼不知爲詐降書而中之不足奇惟彼既知爲詐降書而我終能中之之爲奇也計雖巧而無行計之人則亦拙計雖庸而有行計之人則不庸耳

蔡和蔡中之詐降兩人同來者也黃關二人之詐降妙在一來而一未來二蔡之詐降竟以身來而不必先以書來者也黃蓋之詐降妙在身不來而書來二蔡之詐降來而不送者也關澤之詐降妙在速返又妙在初時不肯復返而次後乃欲速返一似速返則得返不速返則不得返者一般是降却有幾樣降法一般是詐却有幾樣詐法愈出愈幻非復讀者意計之所及

文章之妙有各不相照者二蔡現在而黃蓋之降書初不煩二蔡為通關澤渡江而二蔡之報信不即使關澤為寄文章之妙又有各不相照而暗暗相照者黃蓋但以其謀告關澤獻降書之後忽然添出一甘寧關澤未以其謀告甘寧而甘寧欺二蔡之言有如關會乎關澤寫來真是變幻可喜

禦戰船之法有彼方連而我利其斷者有彼方斷而我利其連者黃祖之舟以大練相連衝之不能入甘寧以刀斷之而朦朧遂橫此則利其斷也曹操之舟散而不聚燒之不能盡龐統以環連之而火攻始便此則利其連也兵法變化無常孫臏以減甯勝而虞詡又以增甯勝隨機而應豈可執一論哉

連環計一見於王允再見於龐統前之環虛名也後之環實事也王允以貂蟬雙鎖董呂二人如環之交互相連故名連環耳

每見近日演連環記者乃作呂布以王連環贈與貂蟬此又是傳奇平空粧點出來豈連環命名之意乎若龐統則不然實實以鐵環連鎖操船與取名連環者不同前以貂蟬為環止有一環後以鐵環為環乃有無數連環前虛後實前少後多各極其妙

北兵多病而龐統以連環之方治之此藥毋乃太毒乎雖然實毒藥者不獨一龐統也黃蓋關澤皆是也蓋之藥甚苦澤之藥甚甘統之藥甚辣合苦者甘者辣者共成一劑毒藥然後周郎煎之以火孔明扇之以風而八十三萬大軍遂無一人有起色矣

却說關澤字德潤會稽山陰人也家貧好學嘗借人書來看看過一遍便不遺忘口才辨給少有膽氣膽氣從讀書得來孫權召為參謀與黃蓋

最相善生至不煩不器蓋知其能言有膽故欲使獻詐降書澤欣

然應諾曰大丈夫處世不能立功建業不幾與草木同腐乎公既捐

軀報主澤又何惜微生其言大有膽氣可見無膽黃蓋滾下床來拜

而謝之黃蓋拜關澤正與澤曰事不可緩即今便行蓋曰書已修下

了極寫黃蓋而澤領了書只就當夜扮作漁翁以書作釣以身作線

駕小舟望北岸而行是夜寒星滿天開筆點三更時候半夜稱

致早到曹軍水寨巡江軍士拿住連夜報知曹操操曰莫非是奸細

麼軍士曰只一漁翁自稱是東吳叅謀關澤有機密事來見操便教

引將入來軍士引關澤至只見帳上燈燭輝煌曹操憑几危坐問曰

汝既是東吳叅謀來此何幹澤曰人言曹丞相求賢若渴今觀此問

甚不相合黃公覆汝又錯尋思了也開口便川操曰吾與東吳日久

交兵汝私行到此如何不問澤曰黃公覆乃東吳三世舊臣今被周

瑜於眾將之前無端毒打不勝忿恨因欲投降丞相為報仇之計特

謀之於我我與公覆情同骨肉徑來為獻密書未知丞相肯容納否

操曰書在何處關澤取書呈上操拆書就燈下觀看書畧曰

蓋受孫氏厚恩本不當懷二心在先說然以今日事勢論之用

江東六郡之卒當中國百萬之師眾寡不敵海內所共見也東吳

將吏無有智愚皆知其不可周瑜小子偏懷淺識自負其能輒欲

以卵敵石兼之擅作威福無罪受刑有功不賞蓋係舊臣無端為

所權辱心實恨之伏聞丞相誠心待物虛懷納士蓋願率眾歸降

以圖建功雪恥糧草軍仗隨船獻納此用計專泣血拜曰萬勿見

疑

曹操於几案上翻覆將書看了十餘次忽然拍案張目大怒曰黃蓋

用苦肉計今汝下詐降書就中取事却敢來戲侮我耶二人機謀破

第一才子書 卷之八

讀若至此為黃蓋惜又為關澤憂矣便教左右推出斬之左右將關澤簇下急讀若澤

面不改容仰天大笑是有關澤真操教牽回叱曰吾已識破奸計汝何

故哂笑澤曰吾不笑你吾笑黃公覆不識人耳公覆正是笑你

吾自幼熟讀兵書深知奸偽之道汝這條計只好瞞別人如何瞞得

我奸雄自澤曰你且說書中那件事是好計操曰我說出你那破綻

教你死而無怨你既是真心獻書投降如何不明約幾時今你有什么

理說待關澤待曹操問而後說頓跌有勢關澤聽罷大笑曰虧汝不惶恐

敢自誇熟讀兵書還不及早收兵回去儻若交戰必被周瑜擒矣無

學之輩可惜吾屈死汝手自負有智偏要笑他操曰何謂我無學澤

曰汝不識機謀不明道理豈非無學即說操曰你且說我那幾般

不是處澤曰汝無待賢之禮吾何必言但有死而已妙在不操曰汝

若說得有理我自然敬服正要逼他說此澤曰豈不聞背主作竊不

可定期儻今約定日期急切下不得手這裡反來接應事必泄漏但

可觀便而行豈可預期相訂乎汝不明此理欲屈殺好人真無學之

輩也關澤真是能讀書人方見孔明激孫操聞言改容下席而

謝曰某見事不明誤犯尊威幸勿掛懷惟聰明人能轉變亦惟聰明

過澤曰吾與黃公覆傾心投降如嬰兒之望父母豈有詐乎操大喜

曰若二人能建大功他日受爵必在諸人之上澤曰某等非為爵祿

而來實應天順人耳先罵後諛罵則極操取酒待之少頃有人入帳

於操耳邊私語操曰將書來看其人以密書呈上操觀之顏色頗喜

關澤暗思此必蔡中蔡和來報黃蓋受刑消息操故喜我投降之事

為真實也妙在曹操不說關澤亦不問大家心裡明白如蔣操曰煩

先生再回江東與黃公覆約定先通消息過江吾以兵接應可見不

書時日

先生再回江東與黃公覆約定先通消息過江吾以兵接應

先生再回江東與黃公覆約定先通消息過江吾以兵接應

先生再回江東與黃公覆約定先通消息過江吾以兵接應

之澤曰某已離江東不可復還望丞相別遣機密人去妙在不肯去竟似千真萬

真操曰若他人去事恐泄漏澤再三推辭良久乃曰若去則不敢久

停便當行矣妙在欲速去又操賜以金帛澤不受辭別出營再駕扁

舟重回江東來見黃蓋細說前事蓋曰非公能辯則蓋徒受苦矣蓋

捨身關澤掉舌然關澤亦惟能捨身故能掉澤曰吾今去甘寧寨中

探蔡和蔡中消息先在曹操坐中識得再向甘蓋曰甚喜澤至寧寨

寧接入澤曰將軍昨為救黃公覆被周公瑾所辱吾甚不平妙在反

之寧笑而不答寫甘寧是解人笑者與關澤正話間蔡和蔡中至澤

以目送甘寧甘寧以笑關澤以目寧會意乃曰周公瑾只自恃其能

全不以我等為念我今被辱羞見江左諸人說罷咬牙切齒拍案大

叫離一箇澤乃虛與寧耳邊低語寧低頭不言長嘆數聲兩個相摸

無蔡和蔡中見寧澤皆有反意以言挑之曰將軍何故煩惱先生有

何不平疎澤曰吾等腹中之苦汝豈知耶妙在假蔡和曰莫非欲背

吳投曹耶蔡和此時關澤失色甘寧拔劍而起曰吾事已為窺破不

可不殺之以滅口一個失驚一個作怒各蔡和蔡中慌曰二公勿憂

吾亦當以心腹之事相告又來寧曰可速言之蔡和曰吾二人乃曹

公便來詐降者二公若有歸順之心吾當引進騙他兩個自說寧曰

汝言果真妙在詐不信二人齊聲曰安敢相欺寧佯喜曰若如此是天賜

其便也前已寫過關澤此處單寫二蔡曰黃公覆與將軍被辱之

事吾已報知丞相矣曹操席上所見關澤於澤曰吾已為黃公覆獻

書丞相今特來見與霸相約同降耳此處方用寧曰大丈夫既遇明

主自當傾心相投前既假恨周瑜此又於是四人共飲同論心事二

蔡即時寫書密報曹操說甘寧與其同為內應關澤另自修書遣人

密報曹操妙在各書中具言黃蓋欲來未得其便但看船頭插青牙

不關會

牙

旗而來者即是也

為後文赤壁伏線

却說曹操連得一書心中疑惑不定聚

眾謀士商議曰江左甘寧被周瑜所辱願為內應黃蓋受責令闕澤

來納降俱未可深信寫曹操奸猾誰敢直入周瑜寨中探聽實信不是又使一個

人去那得又蔣幹進曰某前日空往東吳未得成功深懷慚愧今願

捨身再往務得實信回報丞相操大喜即時令蔣幹上船幹駕小舟

徑到江南水寨邊蔣幹第一番渡江只送兩個水軍都督便使人傳

報周瑜聽得幹又到大喜曰吾之成功只在此人身上遂囑付魯肅

請龐士元來為我如此如此前番送去一封假書今一個假人原來襄陽龐統

字士元因避亂寓江東魯肅會薦之於周瑜統未及往見瑜先使魯

肅問計於統曰破曹當用何策統密謂肅曰欲破曹兵須用火攻伏

鳳雛所見畧同又是但大江面上一船着火餘船四散除非獻連環

計教他釘作一處然後功可成也曹操作池練兵取名玄武誰知遇

一篇合掌文字矣

乎朱雀肅以告瑜瑜深服其論因謂肅曰為我行此計者非龐士元不

可肅曰只怕曹操奸猾如何去得周瑜沉吟未決正尋思沒箇機會

忽報蔣幹又來來得技巧蔣幹大喜一面分付龐統用計一面坐於

帳上使人請幹幹見不來按心中疑慮教把船於僻靜岸口纜繫乃

入寨見周瑜瑜作色曰子翼何故欺我太甚前番盡歡有盡歡之妙

寫得周瑜真是可愛蔣幹笑曰吾想與你乃舊日弟兄特來吐心腹事何言相

欺也瑜曰汝要說吾降除非海枯石爛前番吾念舊日交情請你痛

飲一醉留你共榻你却盜吾私書不辭而去歸報曹操殺了蔡瑁張

允致使吾事不成正該謝他反去今日無故又來必不懷好意吾不

看舊日之情一刀兩段正要用他反說要本待送你過去爭奈吾一

二日間便要破曹賊待留你在軍中又必有泄漏便教左右送子翼

往西山庵中歇息待吾破了曹操那時渡你過江未遲若不是他渡

江怎能勾破

曹操蔣幹再欲開言周瑜已入帳後去了左右取馬與蔣幹乘坐送到

四山背後小菴歇息撥兩個軍人伏侍幹在菴內心中憂悶寢食不

安是夜星露滿天與關澤渡江時一般景致獨步出菴後只聽得

讀書之聲信步尋去見山岩畔有草屋數椽內射燈光又寫燈光與

光耀幹往窺之只見一人挂劍燈前誦孫吳兵書幹思此必異人也

叩戶請見其人開門出迎儀表非俗幹問姓名答曰姓龐名統字士

元幹曰莫非鳳雛先生否統曰然也在此處方纔出現幹喜曰久

聞大名今何僻居此地答曰周瑜自恃才高不能容物吾故隱居於

此龐統燈下之語與周瑜帳中之言一是一醉裏罵公乃何人幹曰吾

蔣幹也統乃邀入草菴共坐談心幹曰以公之才何往不利如肯歸

曹幹當引進統曰吾亦欲離江東久矣公既有引進之心即今便當

二行如遲則周瑜聞之必將見害甘寧關澤騙二蔡龐統又騙蔣幹

於是與幹連夜下山至江邊尋着原來船隻飛棹投江北既至操寨

幹先入見備述前事操問鳳雛先生來知道鳳雛飛來那親自出帳

迎入分賓主坐定問曰周瑜年幼恃才欺眾不用良謀操久聞先生

大名今得惠顧乞不吝教誨曹操見關澤則前倨而後恭見龐

某素聞丞相用兵有法今願一觀軍容而問操教備馬先邀統同觀

早寨統與操並馬登高而望統曰傍山依林前後顧盼出入有門進

退曲折雖孫吳再生穰苴復出亦不過此矣先以美言諷之似操曰

先生勿得過譽尚望指教於是又與同觀水寨見向南分二十四座

門皆有艨艟戰艦列為城郭中藏小船往來有巷起伏有序統笑曰

丞相用兵如此名不虛傳以美言諷之似更無計之可慮因指江

南而言曰周郎周郎尅期必亡操大喜回寨請入帳中置酒共飲同

說兵機統高談雄辨應答如流操深敬服慇懃相待妙在尚不獻統

佯醉曰敢問軍中有良醫否然後以微言挑之却妙操問何用統曰
水軍多疾須用良醫治之在方纒說明其意却妙時操軍因不服水土
俱生嘔吐之疾多有死者操正慮此事忽聞統言如何不問統曰丞
相教練水軍之法甚妙但可惜不全闕澤見曹操先諛而後調又妙在相
類而相反操再三請問統曰其有一策使大小水軍並無疾病安穩成功
但恐疾雖愈而人則死耳操大喜請問妙策統曰大江之中潮生潮
落風浪不息北兵不慣乘舟受此顛播便生疾病若以大船小船各
皆配搭或三十為一排或五十為一排首尾用鐵環連鎖上鋪濶板
休言人可渡馬亦可走矣乘此而行任他風浪潮水上下復何懼哉
風浪雖不怕只恐還怕一件東西土元曹操下席而謝曰非先生
此來黍油乎增炭乎惜乎走瞞竟不解也統曰愚淺之見丞相自裁之操
良謀安能破東吳耶非先生良謀安統曰愚淺之見丞相自裁之操
即時傳令喚軍中鐵匠連夜打造連環大釘鎖住船隻諸軍聞之俱

各喜悅後人有詩曰

赤壁鏖兵用火攻

運籌決策盡皆同

若非龐統連環計

公瑾安能立大功

龐統又謂操曰某觀江左豪傑多有怨周瑜者某憑三寸舌為丞相
說之使皆來降借此為脫身之計既下了周瑜孤立無援必為丞相
所擒瑜既破則劉備無所用矣又帶照劉操曰先生果能成大功操
請奏聞天子封為三公之列統曰某非為富貴但欲救萬民耳丞相
渡江慎勿殺害又以美言驕之操曰吾替天行道安忍殺戮人民統
拜求榜文以安宗族妙操曰先生家屬見居何處統曰只在江邊若得
此榜可保全矣操命寫榜僉押付統闕澤適黃蓋書是送去一張火
統拜謝曰別後可速進兵休待周郎知覺記統曰別後可速進兵休待周郎知覺
統拜謝曰別後可速進兵休待周郎知覺記統曰別後可速進兵休待周郎知覺
統拜謝曰別後可速進兵休待周郎知覺記統曰別後可速進兵休待周郎知覺

緩行操然之統拜別至江邊正欲下船忽見岸上一人道袍竹冠一

把扯住統曰你好大膽黃蓋用苦肉計闕澤下詐降書你又來獻連環計只恐燒不盡絕你們把出這等毒手來只好瞞曹操也須瞞我不得說得龐統魂飛魄散每於終篇故作驚人筆令人疑惑不定正是

莫道東南能制勝

誰云西北獨無人

畢竟此人是誰且看下文分解

第四十八回

宴長江曹操賦詩

鎖戰船北軍用武

前於闕澤賺曹操一段正文之後又有賺二蔡一段旁文以綴之今於龐統獻連環一段正文之後又有救徐庶一段旁文以綴之所重在正文而旁文不重也然以賺二蔡與寫甘寧不但甘寧一邊不冷落而又使黃蓋一邊加渲染以救徐庶照出馬

騰不但徐庶一邊不疎漏而又使馬騰一邊不遺忘有此天然妙事奏成天然妙文固今日作稗官者構思之所不能到也天下有最失意之事必有一最快意之事以為之前焉將寫赤壁之敗則先寫其輓轡千里旌旗蔽空將寫華容之奔則先寫其南望武昌西望夏口蓋志不得意不滿足不高氣不揚則害不甚而禍不速也寫吳王者極寫採蓮之樂非為採蓮寫也為爾東寫耳寫霸王者極寫夜宴之樂非為夜宴寫也為烏江寫耳然則曹操之橫槊賦詩其夫差之採蓮項羽之夜宴乎曹操當舞槊作歌之時正志得意滿之時也而歌乃曰憂患難忘又曰何以解憂又曰憂從中來何其宜樂而憂耶蓋樂者憂之所伏檀弓之言曰樂斯陶斯詠斯舞斯愠斯慍斯戚斯斯嘆矣淳于之諷齊王亦曰樂不可極樂極生悲是不獨烏鵲

南飛爲南征失利之兆而卽其醜酒臨江固知其憂必及之耳
古人亦有善用古人之文者橫槊之歌多引風雅之句而坡公
赤壁賦一篇亦取曹操歌中之意而用之其曰如怨如慕如泣
如訴卽所謂憂從中來不可斷絕也其曰哀吾生之須臾卽所
謂譬如朝露去日無多也其曰盈虛者如彼而卒莫消長卽所
謂皎皎如月何時可輟也取古人之文以爲我文亦視其用之
何如耳苟其善用豈必如今人之杜撰哉

凡計之妙欲使敵用我計而敗必有用我計而敗者以堅敵
之心則焦觸張南之敗是也吳所以愚操者連環之計耳焦觸
張南敗於無環之舟使操知不用連環之不利而用連環之志
愈決矣凡計之妙我欲行此計而勝必有用此計而亦勝者
以杜敵之疑則韓當周泰之勝是也吳所欲用者火攻之計耳

韓當周泰勝以不火之舟使操知東吳之不必用火而後之用
火乃爲操所不及料矣人但知前卷之獻連環後卷之燒赤壁
爲周郎破曹之事而此卷則似乎問文之無當於前後也者孰
知乃前後之關目也耶

火攻之策不修孔明公瑾龐統黃蓋所知而徐庶程昱荀攸之
所知也徐庶不爲操言之而攸與昱則爲操言矣爲操言之而
操未嘗不知矣知之而終不免於犯之其故何哉蓋操知風之
不東而不知風之可借知火之不利於南而不知火之可轉於
北有回天之人而天亦不可知有助人之天而人亦不可知耳
事有與下文相反者又有與下文相引者如操之臨江而歌瑜
之觸風而倒此與下文相反者也劉馥以烏鵲之咏爲不祥周
瑜以黃旗之折爲預兆此與下文相引者也不相反則下文之

事不奇不相引則下文之事不現可見事之幻文之變者出人
意外未嘗不在人意中

却說龐統聞言吃了一驚急回視其人原來却是徐庶徐庶一向冷
現統見是故人心下方定回顧左右無人乃曰你若說破我計可惜
江南八十一州百姓皆是你送了也庶笑曰此間八十三萬人馬性
命如何真是兩位統曰元直真欲破我計耶庶曰吾感劉皇叔厚恩
未嘗忘報曹操送死吾母吾已說過終身不設一謀又將三十六
安肯破兄良策只我亦隨軍在此兵敗之後玉石不分豈能免難
若當教我脫身之術我即緘口遠避矣前以幾十萬生靈為言統笑
曰元直如此高見遠識諒此有何難哉庶曰願先生賜教統去徐庶
耳邊畧說數句妙在不庶大喜拜謝龐統別却徐庶下船自回江東
且說徐庶當晚密使近人去各寨中暗布誰言附耳低言之次日寨

中三三五五交頭接耳而說早有探事人報知曹操說軍中傳言西
涼州韓遂馬騰謀反殺奔許都來二人一向冷落妙於此處提照果
操大驚急聚眾謀士商議曰吾引兵南征心中所憂者韓遂馬騰
耳軍中謠言雖未辨虛實然不可不防不使信又言未畢徐庶進曰
庶蒙丞相收錄恨無寸功報効請得三千人馬星夜往散關把住隘
口如有緊急再行告報不是防兵操喜曰若得元直去吾無憂矣散
關之上亦有軍兵公統領之目下撥三千馬步軍命臧霸為先鋒星
夜前去不可稽遲帶了三千人又帶了徐庶辭了曹操與臧
霸便行此便是龐統救徐庶之計此處明寫一後人有詩曰
曹操征南日日憂 馬騰韓遂起戈矛
鳳雛一語教徐庶 正似遊魚脫釣鈎
曹操自遣徐庶去後心中稍安遂上馬先看沿江旱寨次看水寨乘

大船一隻於中央上建帥字旗號兩傍皆列水寨船上埋伏弓弩手
張操居於上時建安十二年冬十一月十五日天氣晴明平風靜浪
寫一風字為下操令置酒設樂於大船之上吾今夕欲會諸將天色
文借風相映向晚東山月上皎皎如同白日長江一帶如橫素練如讀赤操坐大
船之上左右侍御者數百人皆錦衣繡襖荷戈執戟文武眾官各依
次而坐操見南屏山色如畫東視柴桑之境西觀夏口之江南望樊
山北觀烏林四顧空濶寫江景心中歡喜謂眾官曰吾自起義兵以
來與國家除凶去害誓願掃清四海削平天下所未得者江南也今
吾有百萬雄師更賴諸公用命何患不成功耶收服江南之後天下
無事與諸公共享富貴以樂太平寫曹操驕文武皆起謝曰願得早
奏凱歌我等終身皆賴丞相福蔭操大喜命左右行酒飲至半夜操
酒酣遙指南岸曰周瑜魯肅不識天時今幸有投降之人為彼心腹

之患此天助吾也寫曹操驕荀攸曰丞相勿言恐有泄漏寫荀攸精

操大笑曰座上諸公與近侍左右皆吾心腹之人也言之何礙

不是寫其驕又指夏口曰劉備諸葛亮汝不料螻蟻之力欲撼秦

山何其愚耶既笑江東又笑夏口顧謂諸將曰吾今年五十四歲矣

如得江南竊有所喜昔日喬公與吾至契吾知其二女皆有國色後

不料為孫策周瑜所娶吾今新構銅雀臺於漳水之上如得江南當

娶二喬置之臺上以娛暮年吾願足矣須知孔明之言不是說謊言

罷大笑唐人杜牧之有詩曰

折戟沉沙鐵未消 自將磨洗認前朝

東風不與周郎便 銅雀春深鎖二喬

曹操正笑談間忽聞鴉聲望南飛鳴而去只怕是操問曰此鴉緣何

夜鳴左右答曰鴉見月明疑是天曉故離樹而鳴也鴉噪未為吉操

驚曰此鴉不祥之兆也

又大笑時操已醉乃取藥立於船頭上以酒奠於江中滿飲三爵橫
槩謂諸將曰吾持此槩破黃巾擒呂布滅袁術收袁紹深入寨北直
抵遼東縱橫天下頗不負大丈夫之志也歷數往事累述生平足高
氣揚志得意滿寫曹操驕
對酒當歌人生幾何當歌當字多有誤解之者如云對酒宜歌則
當筵當場之類言人生對酒臨歌之時也譬若朝露去日無多慨當
有幾時哉即人生幾見月當頭之意也今對此景甚有慷慨吾當作歌汝等和之歌曰

對酒當歌人生幾何當歌當字多有誤解之者如云對酒宜歌則
當筵當場之類言人生對酒臨歌之時也譬若朝露去日無多慨當
有幾時哉即人生幾見月當頭之意也以慷慨思難忘忽著一青靑子衿悠
悠我心呦呦鹿鳴食野之萍我有嘉賓鼓瑟吹笙皎皎如月何時
可輟憂從中來不可斷絕蓋樂極生悲已為後文預兆矣越陌
度阡在相存契濶談讌心念舊恩月明星稀烏鵲南飛遶樹三
匝無枝可依山不厭高水不厭深周公吐哺天下歸心自此周公
歌罷眾和之共皆歡笑忽座間一人進曰大軍相當之際將士用命

之時丞相何故出此不吉之言操視之乃揚州刺史沛國相人姓劉

名馥字元穎馥起自合肥創立州治聚逃散之民立學校廣屯田興

治教久事曹操多立功績夾叙劉馥生當下操橫槩問曰吾言有何

不吉馥曰月明星稀烏鵲南飛遶樹三匝無枝可依此不吉之言也

蘇子瞻赤壁賦亦引此四句以為孟德之困於周操大怒曰汝安敢

敗吾興手起一槩刺死劉馥醉後驕眾皆驚駭遂罷宴次日操酒醒

悔恨不已馥子劉熙告請父屍歸葬操泣曰吾昨因醉誤傷汝父悔

之無及可以三公厚禮葬之又撥軍士獲送靈柩即日回葬臨江飲

賦詩忽然刺殺一人大是殺風景况次日水軍都督毛玠于禁詣帳

下請曰大小船隻俱已配搭連鎖停當旌旗戰具一一齊備請丞相

調遣尅日進兵極寫北軍壯盛操至水軍中央大戰船上坐定喚集諸將各

各聽令水旱二軍俱分五色旗號正與後文無數大字映射水軍

中央黃旗毛玠于禁前軍紅旗張郃後軍皂旗呂虔左軍青旗文聘
右軍白旗呂通軍嚴整馬步前軍紅旗徐晃後軍皂旗李典左軍青
旗樂進右軍白旗夏侯淵極寫早軍嚴整。以水軍為主故中央有
者按東西南北也乃前軍皆水陸路都接應使夏侯惇曹洪護衛往
來監戰使許褚張遼九旅之後又有其餘驍將各依隊伍令畢水軍
寨中發搗三通各隊伍戰船分門而出是日西北風驟起寫西北風
東風各船拽起風帆衝波激浪穩如平地北軍在船上踴躍施勇刺
鎗使刀前後左右各軍旗旛不雜又有小船五十餘隻往來巡警催
督為下文曹操下操立於將臺之上觀看調練心中大喜以為必勝
之法之甚教且收住帆幔各依次序回寨操升帳謂眾謀士曰若非
天命助我安得鳳雛妙計鐵索連舟果然渡江如履平地程昱曰船
皆連鎖固是平穩但彼若用火攻難以迴避不可不防北軍未操大

笑曰程仲德雖有遠慮却還有見不到處荀攸曰仲德之言甚是承
相何故笑之北軍未操曰凡用火攻必藉風力方今隆冬之際但有
西風北風安有東風南風耶吾居於西北之上彼兵皆在南岸彼若
用火是燒自己之兵也吾何懼哉正與後文周瑜發若是十月小春
之時吾早已隄備矣老賊未諸將皆拜伏曰丞相高見眾人不及
操顧諸將曰青徐燕代之眾不慣乘舟今非此計安能涉大江之險
曹操前因作歌賦詩送了一個人只見班部中二將挺身出曰小將
今因誇耀武又送了兩個人雖幽燕之人也能乘舟今願借巡船二十隻直至北江口奪旗鼓而
還以顯北軍亦能乘舟也一人舍其所長而爭操視之乃袁紹手下
舊將焦觸張南也操曰汝等皆生長北方恐乘舟不便江南之兵往
來水上習練精熟汝勿輕以性命為兒戲也焦觸張南大叫曰如其
不勝甘受軍法操曰戰船盡已連鎖惟有小舟每舟可容二十人只

恐未便接戰觸曰若用大船何足為奇付小舟二十餘隻其與張南各引一半只今日直抵江南水寨須要奪旗斬將而還少成事者
操曰吾與汝二十隻船差撥精銳軍五百人皆長鎗硬弩到來日天
明將大寨船出到江面上遠為之勢更差文聘亦領三十隻巡船接
應汝回寫曹操亦甚周密焦觸張南欣喜而退次日四更造飯五更結束已
定早聽得水寨中擂鼓鳴金船皆出寨分布水面長江一帶青紅旗
號交雜焦觸張南領哨船二十隻穿寨而出望江南進發却說南岸
隔日聽得鼓聲喧震遙望曹操調練水軍探事人報知周瑜往山
頂觀之操軍已敗回補叙隔日一筆不漏次日忽又聞鼓聲震天軍士急登高
觀望見有小船衝波而來飛報中軍周瑜問帳下誰敢先出韓當周
泰二人齊出曰某當權為先鋒破敵因黃蓋病故二人權為先鋒與前後文相應瑜喜傳
令各寨嚴加守禦不可輕動韓當周泰各引哨船五隻分左右而出

却說焦觸張南憑一勇之氣飛棹小船而來韓當獨披掩心手執長
鎗立於船頭焦觸船先到便命軍士亂箭望韓當船上射來當用牌
遮隔焦觸撻長鎗與韓當交鋒當手起一鎗刺死焦觸張南隨後大
叫趕來隔斜裏周泰船出張南挺鎗立於船頭兩邊弓矢亂射周泰
一臂挽牌一手提刀兩船相離七八尺泰即飛身一躍直躍過張南
船上手起刀落砍張南於水中有此二人之死愈令操信連環計亂
殺駕舟軍士眾船飛棹急回韓當周泰催船追趕到半江中恰與文
聘船相迎兩邊便擺定船廝殺却說周瑜引眾將立於山頂遙望江
北水面艨艟戰船排合江上旗幟號帶皆有次序回看文聘與韓當
周泰相持韓當周泰奮力攻擊文聘抵敵不住回船而走文聘之敗
眼中望見韓周二人急催船追趕周瑜恐二人深入重地便將白旗
招颺令眾鳴金二人乃揮棹而回此寫南軍第二次小周瑜於山頂

看隔江戰船盡入水寨瑜顧謂眾將曰江北戰船如蘆之密操又多謀當用何計以破之眾未及對忽見曹軍寨中被風吹折中央黃旗飄入江中曹軍折旗却在周瑜眼中見叙法變換○將寫瑜大笑曰此不祥之兆也寫周瑜大笑反正觀之際忽狂風大作江中波濤泊岸一陣風過刮起旗角於周瑜臉上拂過瑜猛然想起一事在心是思猛想是何想一事大叫一聲往後便倒口吐鮮血諸將急救起時却早不省人事筆終篇又忽作驚人之正是

一時忽笑又忽叫

難使南軍破北軍

畢竟周瑜性命如何且看下文分解

第四十九回

七星壇諸葛祭風

三江口周瑜縱火

曹操假病吉平以藥藥之而不死不知其假也周郎真病孔明以不藥藥之而得生獨識其真也北軍之病病在畏水龐統鎮以金而平其水至水症乎而火症發則水不能制矣周郎之病病在畏風孔明順其氣而疏其風使寒風息而溫風生則風適為用矣病若周郎人所莫識醫如孔明亦世所罕聞

吾嘗讀易觀風火之為家人火風之為鼎竊以為可與赤壁之戰相况也惟孫劉合為一家而鼎足之形成孫之合於劉亦如火之合於風風因火力而風愈揚火藉風力而火乃烈瑜之不可無亮猶亮之不可無瑜耳

孔明之祭風其孔明之用兵乎杖劍登壇號令嚴肅彷彿與命將相似按二十八宿與六十四卦彷彿與布陣相似下一層以青紅黑白分列四方旗幟彷彿與四路奇兵相似中一層又以

五色間雜分布八方彷彿與八路奇兵相似上一層以四人分左右相翼又彷彿與兩陣奇兵相似雖未用兵而有同於用兵者只一百二十人不異千軍萬馬之勢其視彼八十三萬大軍不啻如腐草敗葦摧而折之真不費力矣

寫周郎用兵不於既戰時寫之正於將戰未戰時寫之一寫其東風未發之前各處打點各人准備秣馬勵兵治舟束甲未戰而已勃勃乎有欲戰之勢一寫其東風既發之後諸將聽令各軍赴敵按部分班星馳電走將戰而已森森然有必戰之形蓋用兵之勝決之於將戰未戰之時而不待於既戰之後也若但觀其戰不過某人射某人於水中某人砍某人於馬下而已又何以見江東士氣之壯周郎兵畧之善哉

周郎赤壁一戰未調被曹操之兵而先調取孔明之兵以水陸

十二隊分取八十三萬人而獨以兩隊當孔明一人蓋以孔明一人爲大敵又在八十三萬人之上也乃八十三萬人可勝而孔明終不可勝如其不可勝而欲殺之人以病周郎之刻知其不可勝而強欲殺之吾以笑周郎之愚

赤壁之火不自赤壁始也其下種在二回之前矣以大江爲灶以赤壁爲廬而黃蓋其擔柴者也關澤其送炭者也龐統其添油者也况更有蔣幹之乞薪於人以佐其炊二蔡之探樵於外以資其爨者乎迨乎孔明執扇而從之周瑜因人而熱之而風伯施威祀融遷怒殆又其後事云

周郎調兵分作兩段諸葛調兵亦分作兩段如周郎於調兵之先另取孔明而孔明亦於調兵之後別命雲長是也然周郎既不知玄德之當結又不知孔明之不死則不知人而亦不知天

孔明既知曹操之不死而又知雲長之必釋則能知天而更能知人由是觀之則周郎之不及孔明也遠甚

寫風寫火此卷可謂奇矣而定謀之初則機密之至周郎命各書一字於掌中孔明亦暗寫一方於紙上而不知紙上之風風之始也掌中之火火之原也從夾燎原之感必始於炎炎之細土囊之口必始於青蘋之末其猶此夫

此卷寫風之將來有無數曲折寫風之既至又有無數點染所云曲折者如孔明上壇三次下壇三次並無動靜是也又如等到天晚不見風起周瑜疑惑言此時安得有東風是也又如等到三更先聽風聲響出帳視之旗帶忽飄西北是也又如周瑜嘆諾為奇而曹操一邊見之又以為一陽初生偶亦有之不足為奇是也所云點染者如丁奉徐盛迎風而走守壇將士當風

而立是也又如趙雲扯蓬其船如飛小校望見遠帆忽而孔明已到是也又如曹操見月射波浪金蛇萬道是也又如黃蓋隔二里放火又如風聲正大不聽得弓弦響是也至於此卷有風却於前卷先寫霧於後卷又寫雨其餘寫月寫星寫雲不一而足俱與風相映射吾嘗嘆今之善書者能圖花面雪面月而獨不能畫風今讀七星壇一篇而如見乎丹青矣

却說周瑜立於山頂觀望良久忽然望後而倒口吐鮮血不省人事左右救回帳中諸將皆來動問盡皆愕然相顧曰江北百萬之眾虎踞鯨吞不爭都督如此倘曹兵一至如之奈何慌忙差人申報吳侯

一面求醫調治此軍求醫周却說魯肅見周瑜臥病心中憂悶來見孔明言周瑜卒病之事孔明曰公以為何如肅曰此乃曹操之福江東之禍也孔明曰公瑾之病亮亦能醫北軍之病歷統醫之周肅曰

誠如此則國家萬幸即請孔明同去看病肅先入見周瑜瑜以被蒙頭而臥肅曰都督病勢若何肅是周瑜曰心腹攪痛時復昏迷肅曰曾服何藥肅曰瑜曰心中嘔逆藥不能下肅曰適來去望孔明言能醫都督之病見在帳外煩來醫治何如瑜命請入教左右扶起坐於床上孔明曰連日不脛君顏何期貴體不安孔明是瑜曰人有旦夕禍福豈能自保孔明笑曰天有不測風雲人又豈能料子一語道着瑜聞失色乃作呻吟之聲孔明曰都督心中似覺煩積否瑜曰然孔明曰必須用涼藥以解之瑜曰已服涼藥全然無效孔明曰須先理其氣氣若順則呼吸之間自然痊可都是瑜料孔明必知其意乃以言挑之曰若得順氣當服何藥大家借病說孔明笑曰亮有一方便教都督氣順此等順氣方諒用不着瑜曰願先生賜教孔明明索紙筆屏退左右密書十六字曰欲破曹公宜用火攻萬事俱備

只欠東風直是四句藥性歌想經所寫畢適與周瑜曰此都督病源也此等病源近世瑜見了大驚暗思孔明真神人也早已知我心

事只索以實情告之乃笑曰先生已知我病源將用何藥治之事在危急望即賜教特求孔明曰亮雖不才會遇異人傳授入門遁甲

天書可以呼風喚雨雲從龍風從虎孔明都督若要東南風可於南屏山建一臺名曰七星壇高九尺作三層用一百二十人手執旗幡

圍繞亮於臺上作法借三日三夜東南大風助都督用兵何如病貴今反以風治病蓋二日瑜曰休道三日三夜只一夜大風大事可成

矣只是事在目前不可遲緩不欲進而多但願速而孔明曰十一月二十日甲子祭風至二十一日丙寅風息如何子亡赤壁之戰幾同

收周瑜聞言大喜翼然而起只因其風肆好便傳令差五百精壯軍士往南屏山築壇撥一百二十人執旗守壇聽候使令孔明辭別出

帳與魯肅上馬來南屏山相度地勢令軍上取東南方赤土築壇東異地與風相取色方圓二十四丈每一層高二尺其是九尺下一層尚其赤與火相照插二十八宿旗東方七面青旗按角九氏房心尾箕布蒼龍之形北方七面皂旗按斗牛女虛危室壁作玄武之勢西方七面白旗按奎婁胃昂畢蕭參踞白虎之威南方七面紅旗按井鬼柳星張翼軫成朱雀之狀前卷曹操用兵用五色旗號以按五方今孔明第二層週圍黃旗六十四面按六十四卦分八位而立列前後左右而以黃旗立於中央孔明祭風以黑白青紅列臺下上一層用四人各人戴東髮冠穿皂羅袍鳳衣博帶朱履方裙前左立一人手執長竿竿尖上用鷄羽為葆以招風信前右立一人手執長竿竿上繫七星號帶以表風色後左立一人捧寶劍後右立一人捧香爐曹操調兵分水陸壇下

二十四人各持旌旗寶蓋大戟長戈黃旄白鉞朱旛皂纛環繞四面第一層用四人第二層六十四人第三層二十八人今又以二十八方或披七星旗一百二十人之數看他調度非然不亂參差有法或按戒身披道衣跣足散髮來到壇前嚴似祈雨分付魯肅曰子敬自往軍中相助公瑾調兵儻亮所祈無應不可有怪反說一句愈魯肅別去孔明囑付守壇將士不許擅離方位要不許交頭接耳要不許失口亂言要不許大驚小怪要如違令者斬孔明築壇祭風與韓眾皆領命孔明緩步登壇觀瞻方位已定焚香於爐注水於盂仰天暗祝下壇入帳中少歇令軍士更替吃飯孔明一日上壇三次下壇三次却並不見有東南風先反寫且說周瑜請程普魯肅一班軍官在帳中伺候只等東南風起便調兵出寫周瑜一而等一面圍報孫權接應好黃蓋已自往備火船二十隻船頭密布大釘船內裝載蘆

蓋乾柴灌以魚油上鋪流黃烟硝引火之物各用青布油單遮蓋船
 頭上插青龍牙旗船尾各繫走舸在帳下聽候只等周瑜號令又寫
 一面在備又十分聲勢甘寧關澤高盤蔡和蔡中在水寨中每日飲酒不放一
 卒登岸又寫週圍盡是東吳軍馬把得水泄不通只等帳上號令下來
 又寫甘寧關澤一而打周瑜正在帳中坐議探子來報吳侯船隻離
 寨八十五里停泊只等都督好音又寫孫權一而等瑜即差魯肅遍
 告各部下官兵將士俱各收拾船隻軍器帆檣等物號令一出時刻
 休違倘有違誤即按軍法又寫魯肅傳令十分聲勢眾兵將得令一個個摩
 拳擦掌拏脩廝殺又寫眾兵將一十分聲勢是日看看近夜天色晴明微風不
 動不能反寫一句以見下文之奇孔明只學得上半日之孔明也瑜謂
 魯肅曰孔明之言謬矣隆冬之時怎得東南風乎再借周瑜口中極
 下文之奇萬一此時無風奈何肅曰吾料孔明必不謬談將近三
 或笑曰從來南風極盛不必慮也

更時分忽聽風聲響旗旛轉動瑜出帳看時旗脚竟飄西北霎時間

東南風大起將寫風起先寫聲響次瑜駭然曰此人有奪天地造化

之法鬼神不測之術若留此人乃東吳禍根也及早殺却免生他日

之憂謂徐盛二將各帶一百人徐盛從江內去了奉從旱路去都到南屏

山七星壇前休問長短擊住諸葛亮便行斬首將首級來請功未調

破曹操之兵先調兩路殺孔明之兵周郎之視孔明重於曹操重於

上馬一百弓弩手各跨征駒往南屏山來明皇於路正迎

着東南風起但於有火處寫風不於無火處寫風則疎矣今去殺孔

明初不賴風力而於此處寫二句正見魯肅筆法之

密後人有詩曰

七星壇上卧龍登 一夜東風江水深

不是孔明施妙計

周郎安得逞才能

丁奉馬軍先到見壇上執旗將士當風而立又寫一句丁奉下馬提

劍上壇不見孔明先生將亦化慌問守壇將士答曰恰纔下壇去了

周瑜早路丁奉忙下壇尋時徐盛船已到二人聚於江邊小卒報曰

昨晚一隻快船停在前面灘口適間却見孔明披髮下船那船望上

水去了周瑜水路丁奉徐盛便分水陸兩路追襲徐盛教拽起滿帆

搶風而使遙望前船不遠徐盛在船頭上高聲大叫軍師休去都督

有請讀書至此又只見孔明立於船尾大笑曰上覆都督好好用兵

諸葛亮暫回夏口果日再容相見寫得孔明從容徐盛曰請暫少住

有緊話說孔明曰吾已料定都督不能容我必來加害預先教趙子

龍來相接將軍不必追趕第一次不說破第二次徐盛見前船無篷妙

只顧趕去看看至近趙雲拍弓搭箭立於船尾大叫曰吾乃常山趙

子龍也奉令特來接軍師你如何來追趕本待一箭射死你來顯得

兩家失了和氣教你知我手段孔明妙在第二次方說破趙言訖箭

到處射斷徐盛船上蓬縷那蓬墮落下水其船便橫趙雲却教自己

船上拽起滿帆更乘順風而去其船如飛追之不及不是寫蓬是寫

兵又借風歸夏口岸上丁奉喚徐盛船近岸言曰諸葛亮神機妙算

人不可及更兼趙雲有萬夫不當之勇汝知他當陽長坂時否又將

提吾等只索回報便了於是二人回見周瑜言孔明預先約趙雲迎

接去了周瑜大驚曰此人如此多謀使吾曉夜不安矣周瑜第一次

出去而丁徐二人空身來見竟無成功是曹操可魯肅曰且待破曹

之後却再圖之瑜從其言此處按下一孔明一邊喚集諸將聽令先

教甘寧帶了蔡中妙并降卒沿南岸而走只打北軍旗號直取烏林

地面正當曹操屯糧之所深入軍中舉火為號第一隊早只留下蔡

第一隊早

和一人_{只蔡和蔡中二人分}在帳下我有用處_{作兩處用之妙甚}第二喚太史慈分付

你可領三千兵直奔黃州地界斷曹探合淝接應之兵就逼曹兵放

火為號只看紅旗便是吳侯接應之兵_{第二隊早}這兩隊兵最遠先

發_{又總敘一頓}第三喚呂蒙領三千兵去烏林接應甘寧焚燒曹操寨

柵_{第三隊早}第四喚凌統領三千兵直截彝陵界首只看烏林火起

以兵應之_{第四隊早}第五喚董襲領三千兵直取漢陽從漢川殺奔

曹操寨中看白旗接應_{第五隊早}第六喚潘璋領三千兵盡打白旗

往漢陽接應董襲_{第六隊早}六隊船隻各自分路去了_{又總敘一頓却}

令黃蓋安排火船使小卒馳書約曹操今夜來降_{以上先調早路放}

水路先鋒第一面撥戰船四隻隨於黃蓋船後接應_{為下文黃蓋下}

本第一隊領兵軍官韓當第二隊領兵軍官周泰第三隊領兵軍官

蔣欽第四隊領兵軍官陳武四隊各引戰船二百隻前面各擺列火

船二十隻_{將水路火軍四隊一齊}周瑜自與程普在大艨艟上督戰

徐盛丁奉為左右護衛_{以上早軍六隊水軍連黃蓋與周瑜亦是六}

六隊_正只留魯肅共關澤及眾謀士守寨程普見周瑜調軍有法甚

相敬服_{前文又與}却說孫權差使命持符至說已差陸遜為先鋒

直抵蘄黃地面進兵吳侯自為後應_{此處寫孫權又是兩隊只五六}

萬之瑜又差人西山放火炮南屏山舉號旗各各準備停當只等黃

昏舉動_{甲子日夜半有風至乙丑日黃昏發}話分兩頭且說劉玄德

在夏口專候孔明回來忽見一隊船到乃是公子劉琦自來探聽消

息玄德請上敵樓坐定說東南風起多時子龍去接孔明至今不見

到吾心甚憂小校遙指樊口港上一帆風送扁舟來到必軍師也_指

兩便到是寫_{玄德與劉琦下樓迎接須臾船到是風到孔明子龍登}

岸玄德大喜問候畢孔明曰且無暇告新別事前者所約軍馬戰船

皆已辦否

不說上項事也

玄德曰收拾久矣只候軍師調用孔

明便與玄德劉琦升帳坐定謂趙雲曰子龍可帶二千軍馬渡江徑

取烏林小路揀樹木蘆葦密處埋伏

曹操必然從那條路奔走

起火來雖然不殺他盡絕也殺一半

曰烏林有兩條路一條通南郡一條取荆州

曰南郡勢迫曹操不敢往必來荆州然後大軍投許昌而去

領計去了又喚張飛曰翼德可領三千兵渡江截斷彝陵這條路云

葫蘆谷口埋伏

來日雨過必然來埋鍋造飯

起火來雖然不捉得曹操翼德這場功料也不小

關公伏筆下文飛領計去了又喚糜竺糜芳劉封三人各駕船隻遮江

勦擒敗軍奪取器械

曰武昌一望之地最為緊要

操一敗必有逃來者就而擒之却不可輕離城郭

玄德孔明去了孔明謂玄德曰主公可於樊口屯兵

今夜周郎成大功也

時雲長在側孔明全然不採

聲曰關某自從見長征戰許多年來未嘗落後

不委用此是何意

欲煩足下把一個最緊要隘

下甚厚是下當有以報之

必然放他過去因此不敢教去

放正對定其必不肯下放也

雲長曰

孔明笑曰雲長勿怪某本

孔明笑曰雲長勿怪某本

孔明笑曰雲長勿怪某本

孔明笑曰雲長勿怪某本

孔明笑曰雲長勿怪某本

軍師好心多當日曹操果是重待某某已斬顏良誅文醜解白馬之
 圍報過他了今日撞見豈肯放過前既廣激此又辨孔明曰倘若放
 了時却如何雲長曰願依軍法孔明曰如此立下文書雲長便與了
 軍令狀此寫關雲長曰若曹操不從那條路上來如何孔明曰我亦與
 你軍令狀此寫孔雲長大喜孔明曰雲長可於華容小路高山之處
 堆積柴草放起一把火烟引曹操來周郎既以火逐之孔明又以火
 行用火也雲長曰曹操望見烟知有埋伏如何肯來孔明笑曰豈不聞兵
 法虛虛實實之論操雖能用兵只此可以瞞過他也他見烟起將謂
 虛張聲勢必然投這條路來妙絕將軍休得吝情前既留難此又切
 雲長領了將令引關平周倉并五百校刀手投華容道埋伏去了前
 孔明調撥至此方完玄德曰吾弟義氣深重若曹操果然投華容道去
 時只恐端的放了不惟孔明料之矣孔明曰亮夜觀乾象操賊未合身

亡留這人情教雲長做了亦是美事孔明既知玄德曰先生神算世
 所罕及孔明遂與玄德往樊口看周瑜用兵留孫乾簡雍守城此俗
 云雲端裏看廝殺也却說曹操在大寨中與眾將商議只等黃蓋消息當日東
 南風起甚緊程昱入告曹操曰今日東南風起宜預隄防程昱亦操
 笑曰冬至一陽生來復之時安得無東南風何足為怪若曹操不見風
 矣正妙在處之泰然乃軍士忽報江東一隻小船來到說有黃蓋密
 書操急喚入其人呈上書書中訴說周瑜關防得緊因此無計脫身
 今有鄱陽湖新運到糧周瑜差蓋巡哨已有方便好友殺江東名將
 獻首來降只在今晚二更船上插青龍牙旗者即糧船也火軍當插
 青旗者何也日木生火也曹軍黃操大喜遂與眾將來水寨中大船
 旗居中而以青旗勝之木剋火也紅旗而用
 上觀望黃蓋船到且說江東天色向晚周瑜喚出蔡和令軍士縛倒
 和叫無異瑜曰汝是何等人敢來詐降吾今缺少福物祭旗願借你

首級送箭人情已令江東拜賜和抵賴不過大叫曰汝家關澤甘寧亦曾與謀一發物又承曹操餽來此乃吾之所使也蔡和悔之無及瑜令捉至江邊皂纛旗下奠酒燒紙一刀斬了蔡和用血祭旗畢便令開船黃蓋在第二隻火船上獨披掩心手提利刃旗上大書先鋒黃蓋乘一天順風望赤壁進發周瑜既獻了活三牲黃蓋便去燒順風紙矣是時東風大作波浪洶湧操在中軍遙望隔江看看月色照耀江水如萬道金蛇翻波戲浪編有聞筆寫月寫操迎風大笑自以為得志此時老奸尚在夢中忽一軍指說江南隱隱一簇帆幔使風而來操凭高望之報稱皆插青龍牙旗內中有大旗上書先鋒黃蓋名字操笑曰公覆來降此天助我也來船漸近程昱觀望良久謂操曰來船必詐且休教近寨北軍未嘗無人操曰何以知之程昱曰糧在船中船必穩重今觀來船輕而且浮更兼今夜東南風甚緊倘有詐謀何以當之可惜知覺操省悟有曹操大笑乃見下文之奇有

曹操省悟更便問誰去止之文聘曰某在水上頗熟願請一往言畢跳下小船用手一指十數隻巡船隨文聘船出聘立于船頭大叫丞相約肯南船且休近寨就江心拋住眾軍齊喝快下了篷言未絕弓弦響處文聘被箭射中左臂倒在船中受了十萬枝箭後船上大亂各自奔回南船距操寨止隔二里水面黃蓋用刀一招前船一齊發火火趁風威風助火勢船如箭發烟焰漲天二十隻火船撞入水寨寫大猛風猛船猛曹寨中船隻一時盡着又被鐵環鎖住無處逃避入猛十分聲勢隔江砲響四下火船齊到但見三江面上火逐風飛一派方見連環通紅漫天澈地適纔見萬道金蛇此時曹操回觀岸上營寨幾處烟火黃蓋跳在小船上背後數人駕舟冒烟突火來尋曹操操見勢急方欲跳上岸忽張遼駕一小脚船扶操下得船時那隻大船已自着了前以五十隻小船為往來巡警張遼與十數人保護曹操飛奔岸

口黃蓋望見穿絳紅袍者下船料是曹操乃催船速進手提利刀高
聲大叫曹賊休走黃蓋在此操叫苦連聲張遼拈弓搭箭觀着黃蓋
較近一箭射去此時風勢正大黃蓋在火光中那裏聽得弓弦響正
中肩高翻身落水正寫曹操被火忽寫黃蓋落水正快意時又見此
不愜意事令人悶至此不得不急欲看後文也
正是

火厄盛時遭水厄

棒瘡愈後患金瘡

未知黃蓋性命若何且看下文分解

第五十四回

諸葛亮智算華容
關雲長義釋曹操

凡計之中人必度彼之爲何如人而後中之則未有不中者也
又度彼之料我爲何如人而後中之則未有不中者也蓋彼方

自以爲智而我即中之以其智則正迎乎彼之意中彼方料我
之智而我反中之以我之愚則又出乎彼之意外如孔明之料
曹操於華容是也夫舉火於此而伏兵於彼則智人之所爲而
爲彼之所知舉火在此而伏兵即在此此愚人之所爲而爲彼
之不及料操固熟知有兵家虛實之法而又熟知孔明之知有
兵家虛實之法此其所以爲孔明之所中與

或疑關公之於操何以欲殺之于許田而不殺之于華容曰許
田之欲殺忠也華容之不殺義也順逆不分不可以爲忠恩怨
不明不可以爲義如關公者忠可于霄義亦貫日真千古一人
懷惠者小人之情報德者烈士之志雖其人之大奸大惡得罪
朝廷得罪天下而彼能不害我而以國士遇我是即我之知己
也我殺我之知己此在無意氣丈夫則然豈血性男子所肯爲

乎使關公當日以公義滅私恩曰吾爲朝廷斬賊吾爲天下除
兇其誰曰不宜而公之心以爲他人殺之則義獨我殺之則不
義故寧死而有所不忍耳曹操可以釋陳宮而不釋關公可以
殺曹操而不殺是關公之仁異於曹操蔡邕哭董卓而王允罪
之關公釋曹操而孔明諒之則孔明之見高于王允矣孔明既
知關公之不殺操則華容之役何不以翼德子龍當之曰孔明
知天者也天未欲殺操則雖當之以翼德子龍必無成功故孔
明之使關公者所以成關公之義而其不使翼德子龍者亦以
掩翼德子龍之短也然則關公之釋操非公釋之而孔明釋之
又非孔明釋之而實天釋之耳

前回寫江中之火此回寫岸上之火前回止寫周郎之火此回
續寫孔明之火前回是寫帆檣之風北回是寫林木之風前回
是寫孔明之以風助火此回是寫孔明之以火繼風而至於風
止火息之後又有風之餘勢火之餘威以點綴之於風之後而
遇雨火之後而見烟烟與雨正風與火之餘也且其後文又有
與前文相反者衣甲盡濕又當燥之以風軍士之食又當炊之
以火蓋卽一回之中而前之風爲害後之風爲和前之風爲讐
後之火又爲恩云

操之習水戰而鑿池於北方其名則玄武也其象則習坎也而
歷統進之以勾陳周郎則應之以朱雀孔明當之以重巽周郎
則應之以重離至於走彝陵奔華容則又爲參蛇之驚白虎之
凶明夷之於行不食旅人之先笑後號矣

曹操於舟中舞槊之時既大笑今在華容敗走之前又大笑前
之笑是得意後之笑是強顏前之笑是適已後之笑是罵人前

之笑既樂極生悲後之笑又非苦中得樂前之笑與後之笑都無是處千古而下又當笑其所笑

曹操前哭典韋而後哭郭嘉哭雖同而所以哭則異哭典韋之哭所以感眾將士也哭郭嘉之哭所以愧眾謀士也前之哭勝似賞後之哭勝似打不謂奸雄眼淚既可作錢帛用又可作挺杖用奸雄之奸真是奸得可愛

却說當夜張遼一箭射黃蓋下水救得曹操登岸趕着馬匹走時軍已大亂舍大舟就小舟又合水路韓當冒烟突火來攻水寨忽聽得士卒報道後稍舵上一人高叫將軍表字韓當細聽但聞高呼公義救我當曰此黃公覆也急救救起見黃蓋負箭着傷咬出箭桿箭頭陷在肉內韓當急為脫去濕衣用刀剗出箭頭扯旗束之脫自己戰袍與黃蓋穿了先令別船送回大寨醫治原來黃蓋深知水性故大

寒之時和甲墮江也逃得性命黃蓋苦肉於前又苦肉於後勇不避難極寫其忠却說當日滿江火滾喊聲震地左邊是韓當蔣欽兩軍從赤壁西邊殺來右邊是周泰陳武兩軍從赤壁東邊殺來先鋒已去將四隊水軍合作兩隊正中是周瑜程普徐盛丁奉大隊船隻都到此是軍一隊火須兵應兵仗火威此正是三江水戰赤壁鏖兵曹軍着鎗中箭火焚水溺者不計其數後人有詩曰

魏吳爭鬪決雌雄 赤壁樓船一掃空
烈火初張照雲海 周郎會此破曹公

又有一絕云

山高月小水茫茫 追嘆前朝割據忙
南土無心迎魏武 東風有意便周郎
不說江中鏖兵且說甘肅合蔡中引入曹寨漢處寧將蔡中一刀砍

於馬下只蔡中蔡和兩人就草上放起火來第一隊早呂蒙遙望中

軍火起也放十數處火接應甘寧甘寧第二隊早搭箭董襲分頭放火

喊第五隊第六四下裏鼓聲大震前已寫過水軍此處寫曹操與張

遼引百餘騎在火林內走火林二看前面無一處不着止走之間毛

玠救得文聘引十數騎到韓當黃蓋即敘在前毛玠操令軍尋路

張遠指道只有烏林地面空闊可走操徑奔烏林正走間背後一軍

趕到大叫曹賊休走火光中現出呂蒙旗號在曹賊眼中看出操催

軍馬向前留張遠斷後抵敵呂蒙却見前面火把又起從山峪中擁

出一軍大叫凌統在此第四隊早軍出見却曹操肝膽皆裂忽刺斜

裡一彪軍到大叫丞相休慌徐晃在此彼此混戰一場一路望北而

走忽見一隊軍馬屯在山坡前徐晃出問乃是袁紹手下降將馬延

張顯有二千北地軍馬列寨在彼當夜見滿天火起未敢轉動恰好

接着曹操兩箇替死操教二將引一千軍馬開道其餘留着護身操

得這枝生力軍馬心中稍安馬延張顯二將飛騎前行不到十里喊

聲起處一彪軍出為首一將大呼自吾乃東吳甘興霸也甘寧忽

大喝一聲顛措手不及被寧手起一刀斬於馬下張顯挺槍來迎寧

此時指望合淝有兵救應不想係權在合淝路口望見江中火光知

是我軍得勝便教陸遜舉火為號太史慈見了與陸遜合兵一處衝

殺將來又是兩路早軍周瑜調撥第二隊是太操只得望彝陵而

走路上撞見張郃操令斷後縱馬加鞭走至五更回望火光漸遠曹

操心方定不是寫曹操脫火問曰此是何處左右曰此是烏林之西

宜都之北操見樹木叢雜山川險峻乃於馬上仰面大笑不止且不

諸將問曰丞相何故大笑操曰吾不笑別人單笑周瑜無謀諸

葛亮少智若是吾用兵之時預先在這裡伏下一軍如之奈何不要

明已先合說猶未了兩邊鼓聲震響火光竟天而起前是孔明之火

前是孔明以風助火驚得曹操幾乎墜馬殺刺斜裏一彪軍殺出大

叫我趙子龍奉軍師將令在此等候多時了前孔明所撥第一隊於此出現操教徐

晃張郃雙敵趙雲自已冒烟突火而去子龍不來追趕只顧搶奪旗

幟曹操得脫天色微明黑雲罩地東南風尚不息前寫風是在有火

無火忽然大雨傾盆濕透衣甲火既濟操與軍士冒雨而行諸軍皆

有飢色操令軍士往村落中劫掠糧食尋覓火種人能為利亦能為

其利前則通地是火此處却要方欲造飯後面一軍趕到操心甚慌

原來却是李典許褚保護着眾謀士來到寫曹軍七零八落陸操大喜

令軍馬且行問前面是那裡地而人報一邊是南彝陵大路一邊是

彝陵北山路操問那裡投南郡江陵去近軍士稟曰取南彝陵過葫

蘆口去最便操教走南彝陵行至葫蘆口軍皆飢餒行走不上馬亦

困乏多有倒於路者操教前面暫歇馬上有帶得鑼鍋的也有村中

掠得糧米的便就山邊揀乾處埋鍋造飯剖馬肉燒吃四思橫擊賊

謂昨月今盡皆脫去濕衣於風頭吹晒馬皆摘鞍野放咽咬草根朝大不同

坐於疎林之下仰面大笑直哭不得而笑耳眾官問曰適來丞相笑周

瑜諸葛亮引惹出趙子龍來又折了許多人馬拾像笑如今為何又

笑操曰吾笑諸葛亮周瑜畢竟智謀不足若是我用兵時就這個去

處也埋伏一彪軍馬以逸待勞我等縱然脫得性命也不免重傷矣

彼見不到此我是以笑之不要忙孔明又正說間前軍後軍一齊發

喊又笑出一操大驚棄甲上馬眾軍多有不及收馬者早見四下火

烟布合山口又是孔明之火此時一軍擺開為首乃燕人張翼德橫

矛立馬大叫操賊走那裡去此是孔明所撥諸軍眾將見了張翼德

盡

皆膽寒許褚騎無鞍馬來戰張飛張遠徐晃二將縱馬也來夾攻兩
邊軍馬混戰做一團操先撥馬走脫諸將各自脫身張飛從後趕來
操迤邐奔逃追兵漸遠回顧眾將多已帶傷正行間軍士曰前面
有兩條路請問丞相從那條路去操問那條近軍士曰大路稍平却
遠五十餘里小路投華容道却近五十餘里只是地窄路險坑坎難
行操令人上山觀望回報小路山邊有數處烟起大路並無動靜操
教前軍便走華容道小路不向無火處走反向有烟處走想尚燒得不快活也諸將曰烽烟起
處必有軍馬何故反走這條路操曰豈不聞兵書有云虛則實之實
則虛之諸葛亮多謀故使人於山僻燒烟使我軍不敢從這條山路
走他却伏兵在大路等着吾料已定偏不教中他計不要忙却已諸
將皆曰丞相妙算人不可及且慢遂勒兵走華容道此時人皆飢倒
馬盡困乏焦頭爛額者扶策而行中箭着鎗者勉強而走衣甲濕透

箇不全此時又巴不得軍器旌旗紛紛不整大半皆是弊陵道上

被趕得慌只騎得秃馬鞍纏衣服盡皆拋棄正值隆冬嚴寒之時其

苦何可勝言極高曹操狼狽以操見前軍停馬不進問是何故回報

曰前面山僻小路因早晨下雨坑壑內積水不流泥陷馬蹄不能前

進前于火操大怒前大笑笑得不情比曰軍旅逢山開路過水登

橋豈有泥濘不堪行之理傳下號令教老弱中傷軍士在後慢行強

壯者擔土束柴搬草運蘆填塞道路務要即時行動如違令者斬眾

軍只得都下馬就路傍砍伐竹木填塞山路操恐後軍來趕令張遠

許褚徐晃引百騎執刀在手但遲慢者便斬之既死於敵之火又死

矣子遠操喝令人馬沿踐而行死者不可勝數號哭之聲於路不絕操

怒曰死生有命何哭之有如再哭者立斬只許自己笑三停人馬一

停落後一停填了溝壑一停跟隨曹操過了險峻路稍平坦操回顧

止有二百餘騎隨後並無衣甲袍鎧整齊者八十三萬大軍只操催

遠行衆將曰馬乏矣只好少歇操曰起到荆州將息未遲又行不到

數里操在馬上揚鞭大笑第二番又笑一衆將曰丞相何又大笑操

曰人皆言周瑜諸葛亮足智多謀以吾觀之倒底是無能之輩若使

此處伏一旅之師吾等皆束手受縛矣有此一旬乃見言未畢一聲

砲響兩邊五百校刀手擺開爲首大將關雲長提青龍刀跨赤兔馬

截住去路又笑出一箇來了今番笑出此人操軍見了亡魂喪膽面

面相覷操曰既到此處只得決一死戰衆將曰人縱然不怯馬力已

乏安能復戰程昱曰某素知雲長傲上而不忍下欺強而不凌弱恩

怨分明信義素著丞相舊日有恩於彼今只親自告之可脫此難但

孔明能料雲長操從其說即縱馬向前欠身謂雲曰將軍別來無恙

程昱亦能料之雲長亦欠身答曰關某奉軍師將令等候丞相多時不馬操賊而稱

意操曰曹操兵敗勢危到此無路望將軍以昔日之情爲重哀鳴雲

長曰昔日關某雖蒙丞相厚恩然已斬顏良誅文醜解白馬之危以

奉報矣今日之事豈敢以私廢公今日之事君事也此庚公對孫子

操曰五關斬將之時還能記否此事在白馬解圍之大丈夫以信義

爲重將軍深明春秋豈不知陳公之新追子濯孺子之事乎公明春

春秋動之小人乞憐於君子必不以小人雲長是個義重如山之

之情動君子而必以君子之道望君子也人想起當日曹操許多恩義與後來五關斬將之事如何不動心又

見曹軍惶惶皆欲垂淚一發心中不忍妙在不於是把馬頭勒回謂

衆軍曰四散擺開這個分明是放曹操的意思操見雲長回馬便和

衆將一齊衝將過去雲長回身時曹操已與衆將過去了雲長大喝

一聲衆軍皆下馬哭拜於地雲長愈加不忍正猶豫間張遼縱馬而

至雲長見了又動故舊之情張遼無言關公亦無長嘆一聲並皆放

言都效在不言處寫

去一喝一嘆寫後人有詩曰

曹瞞兵敗走華容

正與關公狹路逢

只為當初恩義重

放開金鎖走蛟龍

曹操既脫華容之難行至谷口回顧所隨軍兵止有二十七騎此處尚殘兵又只剩比及天晚已近南郡火把齊明一簇人馬攔路有火之聲操大驚曰吾命休矣操之見火而驚如牛之望月而喘也只見一群哨馬衝到方認得是曹仁軍馬操總安心曹仁接着言雖知兵敗不敢遠離只得在附近迎接操曰幾與汝不相見也於是引眾入南郡安歇隨後張遼也到說雲長之德操點將校中傷者極多操皆令將息曹仁置酒與操解悶眾謀士俱在座操忽仰天大慟宜哭反笑宜笑反哭眾謀士曰丞相於虎窟中逃難之時全無懼怯今到城中人已得食馬已得料正須整頓軍馬復讎何反痛哭操曰吾哭郭奉孝耳若奉孝在決

不使吾有此大失也遂搥胸大哭曰哀哉奉孝痛哉奉孝惜哉奉孝

哭死的與活的看奸甚周郎知二蔡之詐並非有人往江托探來

曹操信黃蓋之真自是有人到江東報去拾偽書之蔣幹有誰請到

江北不當哭郭嘉還該笑自己眾謀士皆默然自慙次日操喚曹仁

曰吾今暫回許都收拾軍馬必來報讎汝可保全南郡吾有一計密

留在此非急休開急則開之依計而行使東吳不敢正視南郡為後

瑜中箭仁曰合淝襄陽誰可保守操曰荆州托汝管領襄陽吾已撥

夏侯惇守把合淝最為緊要之地吾令張遼為主將樂進李典為副

將保守此地但有緩急飛報將來為後文孫權操分撥已定遂上馬

引眾奔回許昌荆州原降文武各官依舊帶回許昌調用曹仁自遣

曹洪據守彝陵南郡以防周瑜以上放下曹操却說關雲長放了曹

操引軍回此時諸路軍馬皆得馬匹器械錢糧已回夏口獨雲長

不獲一人一騎空身回見玄德關公無所得其孔明正與玄德作賀

忽報雲長至孔明忙離坐席執盃相迎曰且喜將軍立此蓋世之功除普天下之大害合宜遠接慶賀若果然殺得曹操真當酌酒相賀矣雖未有此事然不可無此文雲長默然孔明曰將軍莫非因吾等不會遠接故爾不樂回顧左右曰汝等緣何不先報雖孔明未必如此之許而雲長曰關某特來請死孔明曰莫非曹操不會投華容道上來若不肯釋曹操便不是關公若操不屯華容必不是孔明曰是從那裡來關某無能因此被他走脫孔明曰拏得甚將士來雲長曰皆不曾拏既失其主孔明曰此是雲長想曹操昔日之恩故意放了但既有軍令狀在此不得不按軍法遂叱武士推出斬之好做正是

拏將一死酬知己 致令千秋仰義名

未知雲長性命如何且看下文分解

第五十一回

曹仁大戰東吳兵

孔明一氣周公瑾

君子觀於南郡之戰而嘆兵家勝負之不可知也曹操于赤壁大敗之後而遺計於曹仁遂使周郎於赤壁大勝之後而中箭於南郡以八十三萬之眾不能勝瑜而一曹仁足以勝之以江口烏林之兵未嘗失利而一南郡則失之斯已奇矣更可異者由前而觀則黃蓋之中箭為大勝中之小挫周瑜之中箭又為大勝後之小挫由後而觀則曹操之算周瑜為大挫後之小勝曹仁之失南郡又為小勝後之大挫夫事之難料至於如此用兵者其何得以敗而沮勝而驕乎

讀前卷而見孫劉之合讀此卷而見孫劉之離蓋同患則相恤同利則相爭凡人之情大抵然矣當曹操之來會赤壁

之戰吳非爲劉實以自爲耳迨平曹操已破北軍已還而荆州九郡劉備欲之孫權又欲之孔明欲爲玄德取之周郎魯肅又欲爲孫權取之於是乃以破曹而德色於劉因以索謝而取償於荆遂致孫與劉終不得爲好相識良可嘆也

荆州之地孔明讓吳先攻而玄德患之周瑜許劉後取而魯肅又患之蓋玄德之不欲奪劉表不欲奪劉璋與魯肅之不欲殺玄德不欲殺孔明同一仁人之心而其不欲以荆州讓入則皆仁者之智耳然玄德不知孔明之已有定算魯肅不知周瑜之假做人情則智尚有所未及也可見忠厚人乖覺極乖覺處正是極忠厚處老實人使心極使心處正是極老實處

呂布在濮陽開城賺曹操曹仁在南郡亦開城賺周瑜同一賺也一則賺使入城而燒之一則賺使入城而射之一則使人詐降而賺之一則以詐走而賺之斯則其不同者矣乃呂布使人詐降其後乃至於真降曹仁詐走其後乃至於真走是不同中又有相同處真妙事妙文

曹仁以詐走賺周瑜周瑜卽以詐死賺曹仁同一詐也而曹仁之詐是曹操之所教周瑜之詐則是周瑜之所自爲斯則其不同者矣且周瑜以詐死賺曹仁曹操亦曾以詐死賺呂布則曹仁之智不及周瑜而周瑜之智同于曹操耳乃曹操詐死未便真死而周瑜之詐死則若有預兆焉周瑜故作墮馬金鎗假裂其後至于真墮馬金鎗真裂其初伴怒伴病伴死後乃至于真怒真病真死是相同中更有不同處真妙事妙文

觀孔明之襲南郡其卽呂蒙襲荆州之事所由伏乎周瑜力戰而任其勞孔明安坐而享其利瑜卽欲不怒安得而不怒吳卽

欲不報安得而不報然而孔明則已有辭矣孔明襲之于曹氏非襲之于東吳取東吳之所將取非取東吳之所既取則雖同一襲而孔明之襲又大異于呂蒙之襲矣

周瑜之失南郡不當怒孔明當自怨其計之疎耳昔趙人空壁逐韓信而信先使人立赤幟于趙城今瑜當曹仁劫寨之時預伏一軍于南郡之側則何至為子龍所襲乎始之中箭既輕進于前繼之失地又遲發於後是瑜之智殆出韓信之下

當周瑜戰曹仁之時正孔明遣將取三城之時妙在周瑜一邊實寫孔明一邊虛寫又妙在趙子龍一邊在周瑜眼中實寫雲長翼德兩邊在周瑜耳中虛寫此叙事虛實之法

却說孔明欲斬雲長玄德曰昔吾二人結義時誓同生死又將首卷中事一提今雲長雖犯法不忍違却前盟望權記過容將功贖罪孔明方纔饒

丁兩人先自說通此時却一箇做好一箇做惡且說周瑜收軍點將各各敘功申報吳侯

所得降卒盡行發付渡江大獍三軍遂進兵攻取南郡前隊臨江下寨前後分五營周瑜居中瑜正與眾商議征進之策忽報劉玄德使

孫乾來與都督作賀瑜命請入乾施禮畢言主公特命乾拜謝都督大德有薄禮上獻劉謝孫係亦當謝劉瑜問曰玄德在何處乾答曰見移兵屯

油江口瑜驚曰孔明亦在油江否此時吃驚誰知乾曰孔明與主公同在油江瑜曰足下先回某親來相謝也劉謝孫當謝周郎之風瑜

收了禮物發付孫乾先回肅曰却總都督為何失驚瑜曰劉備屯兵油江必有取南郡之意我等費了許多精神軍馬用了許多錢糧目

下南郡反手可得彼等心懷不仁要就見成誰知後文編須放着周

瑜不死誰知後來就見肅曰當用何策退之瑜曰吾自去和他說話好便好不好時不等他取南郡先結果了劉備須放着孔明不死肅曰某願

往于是瑜與魯肅引三千輕騎徑投油江口來先說孫乾回見立
 言周瑜將親來相謝玄德乃問孔明曰來意若何孔明笑曰那裡
 為這些薄禮肯來相謝止為南郡而來一箇乖玄德曰他若提兵來
 何以待之孔明曰他來便可如此如此應答須知下文玄德之遂於
 油江口擺開戰船岸上列着軍馬人報周瑜魯肅引兵到來孔明使
 趙雲領數騎來接瑜見軍勢雄壯心甚不安須結果劉行至營門外
 玄德孔明迎入帳中各敘禮畢設宴相待玄德舉酒致謝慶兵之事
 酒至數巡瑜曰豫州移兵在此莫非有取南郡之意否只得直玄德
 曰聞都督欲取南郡故來相助誰知乃是玄德欲取南郡說出來玄德
 必取之甚瑜笑曰吾東吳久欲吞併漢江今南郡已在掌中如何不
 取只怕玄德曰勝負不可預定曹操臨歸令曹仁守南郡等處必
 有奇計暗裏更兼曹仁勇不可當但恐都督不能取耳反勝一句瑜

曰吾若取不得那時任從公取玄德曰子敬孔明在此為證都督休
 悔妙在又料魯肅躊躇未對瑜曰大丈夫一言既出何悔之有孔明
 曰都督此言甚是公論先讓東吳去取若不下主公取之有何不可
 惡甚瑜與肅辭別玄德孔明上馬而去玄德問孔明曰却遜先生教
 備如此回答雖一時說了展轉尋思于理未然我今孤窮一身無置
 足之地欲得南郡權且容身若先教周瑜取了城池已屬東吳矣却
 如何得住一向不要荆州此孔明大笑曰當初亮勸主公取荆州主
 公不聽照應劉表病時今日却想耶甚玄德曰前為景升之地故不
 忍取今為曹操之地理合取之孔明曰不須主公憂慮儘着周瑜去
 廝殺早晚教主公在南郡城中高坐玄德是讓曹操先取而後取之
 第未識如何早晚便玄德曰計將安出孔明曰只須如此如此妙在
 得高坐令人不測此處玄德大喜只在江口屯劄接兵不動却說周瑜魯肅回
 後文始見

寨肅曰却督如何亦許玄德取南郡畢竟魯肅瑜曰吾彈指可得南郡不要武落得虛做人情誰知後來却隨問帳下將士誰敢先取南郡一人應聲而出乃蔣欽也瑜曰汝為先鋒徐盛丁奉為副將撥五千精銳軍馬先渡江吾隨後引兵接應且說曹仁在南郡分付曹洪守彝陵以為犄角之勢人報吳兵已渡漢江仁曰堅守勿戰為上若能堅守則不至丁失矣牛金奮然進曰兵臨城下而不出戰是怯也况吾兵新敗一止當重振銳氣照應赤壁之事某願借精兵五百決一死戰仁從之令牛金引五百軍出戰丁奉縱馬來迎約戰四五合奉詐敗牛金引軍追趕入陣奉指揮眾軍一裹圍牛金於陣中牛金左右衝突不能得出曹仁在城上望見牛金困在垓心遂披甲上馬引麾下壯士數百騎出城奮力揮刀殺入吳陣徐盛迎戰不能抵當曹仁殺到垓心救出牛金回顧尚有數十騎在陣不能得出遂復翻身殺入救出重圍高曹仁如

此之勇以見下文正遇蔣欽攔路曹仁與牛金奮力衝散丁奉徐盛周瑜之勝不易錯落仁弟曹純亦引兵接應混殺一陣吳軍敗走曹仁得勝而回蔣欽兵敗回見周瑜怒欲斬之寫周瑜第一次失利眾將皆免瑜即點兵要親與曹仁決戰甘寧曰都督未可造次今曹仁令曹洪據守彝陵為犄角之勢某願以精兵三千徑取彝陵都督然後可取南郡計亦善瑜服其論先教甘寧領三千兵攻打彝陵寫周瑜分兵如此之甚善瑜服其論先教甘寧領三千兵攻打彝陵易早有細作報知曹仁仁與陳矯商議矯曰彝陵有失南郡亦不可守矣宜速救之仁遂令曹純與牛金暗地引兵救曹洪曹純先使人報曹洪令洪出城誘敵將寫南郡棄城誘敵先有甘寧引兵至彝陵洪出與甘寧交鋒戰有二十餘合洪敗走寧奪了彝陵至黃昏時曹純牛金兵到兩下相合圍了彝陵易周瑜第二次失利探馬飛報問瑜說甘寧困於彝陵城中瑜大驚程普曰可急分兵救之瑜曰此地

正當衝要之處若分兵去救倘曹仁引兵來襲奈何呂蒙曰甘興霸乃江東大將豈可不救瑜曰吾欲自往救之但留何人在此代當吾在蒙曰留凌公續當之蒙為前驅都督斷後不須十日必奏凱歌瑜曰未知凌公續肯暫代吾任否凌統曰若十日為期可當之十日之外不勝其任矣又寫周瑜分兵如此之勝不易瑜大喜遂留兵萬餘付與凌統即日大兵投彝陵來蒙謂瑜曰彝陵南僻小路取南郡極便可差五百軍去斫樹木以斷其路彼軍若敗必走此路馬不能行必棄馬而走吾可得其馬也得馬之利恐不足後文地之辱瑜從之差軍去訖大兵將至彝陵瑜問誰可突圍而入以救甘寧周泰願往即時縛力縱馬直殺入曹軍之中徑到城下甘寧望見周泰至自出城迎之泰言都督自提兵至寧傳令教軍士嚴裝飽食準備內應又寫周瑜分兵如不易却說曹洪曹純牛金聞周瑜兵將至先使入往南郡報知曹仁

一面分兵拒敵及吳兵至曹兵迎之北及交鋒甘寧周泰分兩路殺出曹兵大亂吳兵四下掩殺曹洪曹純牛金果然投小路而走却被亂柴塞道馬不能行盡皆棄馬而走吳兵得馬五百餘匹兩次失利周瑜驅兵星夜趕到南郡正遇曹仁軍來救彝陵兩軍接着混戰一場天色已晚各自收兵曹仁回城中與眾商議曹洪曰目今失了彝陵勢已危急何不拆丞相遺計觀之以解此危此處妙在暗寫曹仁曰汝言正合吾意遂拆書觀之大喜便傳令教五更造飯平明大小軍馬盡皆棄城城上遍插旌旗虛張聲勢軍分三門而出却說周瑜救出甘寧陳兵於南郡城外見曹兵分三門而出瑜上將臺觀看只見女牆邊虛擗旌旗無人守護又見軍士腰下各束縛包裹此是曹操錦囊周瑜也方在赤壁真走之後又教曹仁詐耳瑜暗付曹仁必先準備走走之法有赤壁之真故不疑南郡之計耳瑜暗付曹仁必先準備走路遂下將臺號令分布兩軍為左右翼如前軍得勝只顧向前追趕

直待鳴金方許退步命程普督後軍瑜親自引軍取城對陣鼓聲響處曹洪出馬搦戰瑜自至門旗下使韓當出馬與曹洪交鋒戰到三十餘合洪敗走曹仁自出接戰周泰縱馬相迎鬪十餘合仁敗走陣勢錯亂詐敗以周瑜麾兩翼軍殺出曹軍又敗瑜自引軍馬追至南郡城下曹軍皆不入城望西北而走妙竟似韓當周泰引前部盡力追趕瑜見城門大開城上又無人遂合眾軍搶城數十騎當先而入瑜在背後縱馬加鞭直入薨城陳矯在敵樓上望見周瑜親自入城來暗暗喝采道丞相妙策如神一聲梆子響兩邊弓弩齊發勢如驟雨爭先入城的都顛入陷坑內周瑜急勒馬回時被一弩箭正射中左肋翻身落馬前受他十萬枝箭此牛金從城中殺出來捉周瑜徐盛丁奉二人捨命救去城中曹兵突出吳兵自相踐踏落墜坑者無數程普急收兵時曹仁曹洪分兵兩路殺回吳兵大敗幸得凌統引

一軍從刺斜裏殺來敵住曹兵曹仁引得勝兵進城程普收軍回寨寫周瑜第三次失利徐一將救得周瑜到帳中喚行軍醫者用鐵鉗子拔出箭頭將金瘡藥敷掩瘡口疼不可當飲食俱廢寫周瑜受又為下文怒醫者曰此箭頭上有毒急切不能痊可若怒氣沖激其孔明張本瘡復發伏後程普令三軍緊守各寨不許輕出三日後牛金引軍來搦戰程普按兵不動牛金罵至日暮方回次日又來罵戰程普恐瑜生氣不敢報知至第二日牛金直至寨門外叫罵聲聲只道要捉周瑜既被射又被罵以程普與眾商議欲暫且退兵回見吳侯却再理會此處文勢作一頓正應却說周瑜雖患瘡痛心中自有主張已知曹兵常來寨前叫罵却不見眾將來稟一日曹仁自引大軍擂鼓吶喊前來搦戰程普拒住不出周瑜喚眾將入帳問曰何處鼓噪吶喊眾將曰軍中教演士卒瑜怒曰何欺我也吾已知曹兵常來寨前辱

罵程德謀既同掌兵權何故坐視遂命人請程普入帳問之普曰吾見公瑾病瘡醫者言勿觸怒故曹兵搦戰不敢報知瑜曰公等不戰主意若何普曰眾將皆欲收兵暫回江東待公箭瘡平復再作區處瑜聽罷於牀上奮然躍起曰大丈夫既食君祿當死於戰場以馬革裹口還幸也豈可為我一人而廢國家大事乎語亦甚壯言訖即披甲上馬寫周瑜如此之勇以見曹兵已布成陣勢曹仁自立馬於門旗下揚鞭大罵曰周瑜孺子料必橫天再不敢正觀我兵馬猶未絕瑜從群騎內突然出口曹仁匹夫見周郎否妙甚曹軍看見盡皆驚駭曹仁回顧眾將曰可大罵之眾軍厲聲大罵周瑜大怒使潘璋出戰未及交鋒周瑜忽大叫一聲口中噴血墜於馬下有此嚴怒以引下文真怒曹兵衝來眾將向前抵住混戰一場救起周瑜回到帳中程普問曰都督貴體若何瑜密謂普曰此

吾之計也普曰計將安出瑜曰吾身本無甚痛楚吾所以為此者欲令曹兵知我病危必然欺敵可使心腹軍士去城中詐降說吾已死今夜曹仁必來劫寨吾却於四下埋伏以應之則曹仁可一鼓而擒也寫周瑜費如此之計為下文怒孔明張本程普曰此計大妙隨就帳下舉起哀聲眾軍大驚盡傳言都督箭瘡大發而死各寨盡皆挂孝赤壁江邊一片紅赤壁城外一片白正復相對却說曹仁在城中與眾高議言周瑜怒氣冲發金瘡崩裂以致口中噴血墜於馬下不久必亡正論間忽報吳寨內有十數箇軍士來降中間亦有二人原是曹兵被擄過去的妙在郎曹仁忙喚人問之軍士曰今日周瑜陣前金瘡破裂歸寨即死今眾將皆已挂孝畢哀我等因受程普之辱故特歸降便報此事曹仁大喜隨即商議今晚便去劫寨奪周瑜之屍斬其首級送赴許都不能殺活周郎却欲殺死周郎陳矯曰此計速行不可遲悞曹仁遂令牛金為先鋒自為中軍曹

洪曹純為合後只留陳矯領些少軍士守城其餘軍兵盡起為下文伏筆初更後出城徑投周瑜大寨來到寨門不見一人但見虛插旗鎗而已情知中計急忙退軍四下砲聲齊發東邊韓當蔣欽殺來西邊周泰潘璋殺來南邊徐盛丁奉殺來北邊陳武呂蒙殺來曹兵大敗三路軍皆被衝散以四路敵三面寫諸將如此勞苦功高又為下文怒孔明張本首尾不能相救曹仁引十數騎殺出重圍正遇曹洪遂引敗殘軍馬一同奔走殺到五更離南郡不遠一聲鼓響凌統又引一軍攔住去路截殺一陣曹仁引軍刺斜而走又遇甘寧大殺一陣四路之後又有兩路寫諸將如此勞苦功高又為下文怒孔明張本曹仁不敢回南郡徑投襄陽大路而行吳軍趕了一程自回周瑜程普收住眾軍徑到南郡城下見旌旗布滿敵樓上一將叫曰都督少罪吾奉軍師將令已取城了吾乃常山趙子龍也這幾時都為孔明周瑜大怒便命攻城城上亂箭射下瑜命且回軍商議使甘

寧引數千軍馬徑取荆州凌統引數千軍馬徑取襄陽然後却再取南郡未遲正分撥間忽然探馬急來報說諸葛亮自得了南郡遂用兵符星夜詐謂荆州守城軍馬來救却教張飛襲了荆州荆州一路又一探馬飛來報說夏侯惇在襄陽被諸葛亮差人賣兵符詐稱曹仁求救誘惇引兵出却教雲長襲取了襄陽襄陽一處亦用虛寫二處城池全不費力皆屬劉玄德矣又總敘一句取者不費筆周瑜曰諸葛亮怎得兵符程普曰他掣住陳矯兵符自然盡屬之矣探馬口中不說陳矯却周瑜大叫一聲金瘡迸裂前是詐騙曹仁此正是幾郡城池無我分一場辛苦為誰忙未知性命如何且看下文分解



